



АКАФИСТНИК

Сборник
Акафистник

«Издательство Сретенского Монастыря»

2015

УДК 271.2-535.7
ББК 86.372

Сборник

Акафистник / Сборник — «Издательство Сретенского
Монастыря», 2015

ISBN 978-5-7533-1088-0

Тексты всех акафистов настоящего издания соответствуют текстам, полученным из Издательского совета Русской Православной Церкви и рекомендованным к публикации. В формате PDF А4 сохранен издательский макет.


УДК 271.2-535.7
ББК 86.372

ISBN 978-5-7533-1088-0

© Сборник, 2015
© Издательство Сретенского
Монастыря, 2015

Содержание

Акафист	7
Акафист	13
Акафист	19
Акафист	25
Акафист	31
Акафист	39
Акафист	46
Конец ознакомительного фрагмента.	52




Акафистник

5-е издание, исправленное

Рекомендовано к публикации Издательским советом Русской Православной Церкви
ИС Р15-545-3692

*Тексты всех акафистов настоящего издания соответствуют текстам, полученным из
Издательского совета Русской Православной и рекомендованным к публикации*



© Сретенский монастырь, 2015

Акафист Сладчайшему Господу нашему Иисусу Христу



Кондак 1

Взбранный Воеводо и Господи, ада победителю, яко избавлься от вѣчныя смѣрти, похвальная восписую Ти, создание и раб Твой; но яко имѣяй милосѣрдие неизреченное, от всяких мя бед свободи, зовуща: Иисусе, Сыне Божий, помилуй мя.

Икос 1

Ангелов Творче и Господи сил, отвѣрзи ми недоумѣнный ум и язык на похвалу пречистаго Твоего имени, якоже глухому и гугнѣвому древле слух и язык отвѣрзл еси, и глаголаше зовый такова: Иисусе пречудный, ангелов удивление; Иисусе пресильный, прародителей избавление. Иисусе пресладкий, патриархов величание; Иисусе преславный, вѣрных укрепление. Иисусе прелюбимый, пророков исполнение; Иисусе предивный, мучеников крепость. Иисусе претихий, монахов радость; Иисусе премилостивый, пресвитеров сладость. Иисусе милосердый, постников воздержание; Иисусе пресладостный, преподобных радование. Иисусе пречестный, дѣвственных целомудрие; Иисусе предвѣчный, грѣшников спасение. Иисусе, Сыне Божий, помилуй мя.

Кондак 2

Видя вдовицу зельне плачущую, Господи, якоже тогда умилосердився, сына ея на погребение несомъ воскресил еси: сице и о мне умилосердися, Человеколюбче, и грехами умерщвленную мою душу воскреси, зовущую: Аллилуиа.

Икос 2

Разум неуразуменный разумети Филипп ища: «Господи, покажи нам Отца», – глаголаше; Ты же к нему: «Толикое время сый со Мною, не познал ли еси, яко Отец во Мне, и Аз во Отце есмь?» Темже, Неизследованне, со страхом зову Ти: Иисусе, Боже предвечный; Иисусе, Царю пресильный. Иисусе, Владыко долготерпеливый; Иисусе, Спасе премилостивый. Иисусе, хранителю мой преблагий; Иисусе, очисти грехи моя. Иисусе, отыми беззакония моя; Иисусе, отпусти неправды моя. Иисусе, надеждо моя, не остави мене; Иисусе, помощниче мой, не отрини мене. Иисусе, Создателю мой, не забуди мене; Иисусе, Пастырю мой, не погуби мене. Иисусе, Сыне Божий, помилуй мя.

Кондак 3

Силою свыше апостолы облекий, Иисусе, во Иерусалиме сядящая, облецы и мене, обнаженного от всякаго благотворения, теплотою Духа Святаго Твоего и даждь ми с любовью пети Тебе: Аллилуиа.

Икос 3

Имеяй богатство милосердия, мытари, и грешники, и неверные призвал еси, Иисусе; не презри и мене ныне, подобнаго им, но яко многоценное миро, приими песнь сию: Иисусе, сило непобедимая; Иисусе, милосте безконечная. Иисусе, красото пресветлая; Иисусе, любви неизреченная. Иисусе, Сыне Бога живаго; Иисусе, помилуй мя грешнаго. Иисусе, услыши мя, в беззакониих зачатаго; Иисусе, очисти мя, во гресех рожденного. Иисусе, научи мя, непотребнаго; Иисусе, освети мя, темнаго. Иисусе, очисти мя, сквернаго; Иисусе, возведи мя, блуднаго. Иисусе, Сыне Божий, помилуй мя.

Кондак 4

Бурю внутрь имеяй помышлений сумнительных, Петр утопаше; узрев же во плоти Тя суща, Иисусе, и по водам ходяща, позна Тя Бога истиннаго, и руку спасения получив, рече: Аллилуиа.

Икос 4

Слыша слепый мимоходяща Тя, Господи, путем, вопияше: «Иисусе, Сыне Давидов, помилуй мя!» И, призвав, отверзл еси очи его. Просвети убо милостию Твоею очи мысленныя сердца и мене, вопиюща Ти и глаголюща: Иисусе, вышних Создателю; Иисусе, нижних искупителю. Иисусе, преисподних потребителю; Иисусе, всея твари украсителю. Иисусе, души моея утешителю; Иисусе, ума моего просветителю. Иисусе, сердца моего веселие; Иисусе, тела

моего здравие. Иисусе, Спасе мой, спаси мя; Иисусе, Свете мой, просвети мя. Иисусе, муки всякия избави мя; Иисусе, спаси мя недостойнаго. Иисусе, Сыне Божий, помилуй мя.

Кондак 5

Боготочною Кровию якоже искупил еси нас древле от законных клятв, Иисусе, сице изми нас от сети, еюже змий запят ны страстьми плотскими, и блудным наваждением, и злым унынием, вопиющая Ти: Аллилуиа.

Икос 5

Видевше отроцы еврейстии во образе человечеством создавшего рукою человека, и Владыку разумевше Его, потщашася ветвями угодити Ему, осанна вопиюще. Мы же песнь приносим Ти, глаголюще: Иисусе, Боже истинный; Иисусе, Сыне Давидов. Иисусе, Царю преславный; Иисусе, Агнче непорочный. Иисусе, Пастырю предивный; Иисусе, хранителю во младости моей. Иисусе, кормителю во юности моей; Иисусе, похвало в старости моей. Иисусе, надеждо в смерти моей; Иисусе, животу по смерти моей. Иисусе, утешение мое на суде Твоем; Иисусе, желание мое, не посрами мене тогда. Иисусе, Сыне Божий, помилуй мя.

Кондак 6

Проповедник богоносных вещание и глаголы исполняя, Иисусе, на земли являлся и с человеки невестимый пожил еси, и болезни наша подъял еси; отнюдуже ранами Твоими мы исцеливши, пети невыкохом: Аллилуиа.

Икос 6

Воссия вселенней просвещение истины Твоея, и отгнася лесь бесовская: идоли бо, Спасе наш, не терпяще Твоея крепости, падоша. Мы же, спасение получивше, вопием Ти: Иисусе, истинно, лесь отгоняющая; Иисусе, свете, превышший всех светлостей. Иисусе, Царю, премогающий всех крепости; Иисусе, Боже, пребывающий в милости. Иисусе, хлебе животный, насыти мя алчущаго; Иисусе, источниче разума, напои мя жаждущаго. Иисусе, одеждо веселия, одей мя тленного; Иисусе, покрове радости, покрой мя недостойнаго. Иисусе, подателю просящим, даждь ми плач за грехи моя; Иисусе, обречение ищущим, обрящи душу мою. Иисусе, отверзателю толкующим, отверзи сердце мое окаянное; Иисусе, искупителю грешных, очисти беззакония моя. Иисусе, Сыне Божий, помилуй мя.

Кондак 7

Хотя сокровенную тайну от века открыти, яко овча на заклание веден был еси, Иисусе, и яко агнец прямо стригущаго его безгласен, и яко Бог из мертвых воскресл еси, и со славою на небеса вознеслся еси, и нас совоздвигл еси, зовущих: Аллилуиа.

Икос 7

Дивную показа тварь являйся Творец нам: без семени от Девы воплотися, из гроба, печати не рушив, воскрес и ко апостолом, дверем затворенным, с плотию вниде. Темже чудящися,

воспойм: Иису́се, сло́ве необыме́нный; Иису́се, сло́ве несоглаго́даемый. Иису́се, си́ло непости́жимая; Иису́се, му́дросте недомы́слимая. Иису́се, Божество́ неописа́нное; Иису́се, госпо́дство неисче́тное. Иису́се, ца́рство непобеди́мое; Иису́се, влады́чество безконече́нное. Иису́се, кре́посте высоча́йшая; Иису́се, вла́сте ве́чная. Иису́се, Тво́рче мой, уще́дри мя; Иису́се, Спа́се мой, спаси́ мя. Иису́се, Сы́не Бо́жий, поми́луй мя.

Кондак 8

Стра́нно Бо́га вочелове́чшася ви́дяще, устрани́мся су́етнаго ми́ра и ум на Божество́нная возложи́м. Сего́ бо ра́ди Бог на зе́млю сниде, да нас на небеса́ возведёт, вопию́щих Ему́: Аллилу́иа.

Икос 8

Весь бе в ни́жних, и ви́шних ника́коже отступи́, неисче́тный, егда́ во́лею нас ра́ди постра́да, и сме́ртию Своёю на́шу сме́рть умертви́, и воскресе́нием живо́т дарова́ пою́щим: Иису́се, сла́досте серде́чная; Иису́се, кре́посте теле́сная. Иису́се, све́тлосте душе́вная; Иису́се, бы́строто́ умная. Иису́се, ра́досте сове́стная; Иису́се, наде́ждо изве́стная. Иису́се, па́мяти предве́чная; Иису́се, похвало́ высо́кая. Иису́се, сла́во моя́ превознесе́нная; Иису́се, жела́ние моё, не отри́ни мене́. Иису́се, Па́стырю мой, взыщи́ мене́; Иису́се, Спа́се мой, спаси́ мене́. Иису́се, Сы́не Бо́жий, поми́луй мя.

Кондак 9

Все естество́ а́нгельское безпреста́ни сла́вит пресвято́е и́мя Твоё, Иису́се, на небеси́, Свят, Свят, Свят вопию́ще; мы же, грешни́и, на земли́ брэнными устна́ми вопие́м: Аллилу́иа.

Икос 9

Ветии́ многовеща́ннии, я́коже рыбы́ безгласни́и, ви́дим о Тебе́, Иису́се, Спа́се наш: недоуме́ют бо глаго́лати, ка́ко Бог непрело́жный и Чело́век соверше́нный пребыва́еши? Мы же, та́инству дивя́щеся, вопие́м ве́рно: Иису́се, Бо́же предве́чный; Иису́се, Царю́ ца́рствующих. Иису́се, Влады́ко владе́ющих; Иису́се, Судие́ живы́х и ме́ртвых. Иису́се, наде́ждо ненаде́жных; Иису́се, утеше́ние пла́чущих. Иису́се, сла́во ни́щих; Иису́се, не осуди́ мя по делом мо́им. Иису́се, очисти́ мя по ми́лости Твоёй; Иису́се, отжени́ от мене́ уны́ние. Иису́се, просвети́ моя мы́сли серде́чныя. Иису́се, даждь ми па́мать сме́ртную. Иису́се, Сы́не Бо́жий, поми́луй мя.

Кондак 10

Спаси́ти хотя́ мир, Восто́че восто́ком, к те́мному за́паду – естеству́ на́шему прише́д, смири́лся еси́ до сме́рти; те́мже превознесе́ся и́мя Твоё па́че вся́каго и́мене, и от всех ко́лен небесных и земны́х слы́шиши: Аллилу́иа.

Икос 10

Царю́ Предве́чный, Утешите́лю, Христэ́ Истинный, очисти́ ны от вся́кия скве́рны, я́коже очисти́л еси́ де́сять прокаже́нных, и исцели́ ны, я́коже исцели́л еси́ сребролю́бивую ду́шу Закхе́а

мытаря, да вопиём Ти, во умилении зовуще: Иисусе, сокровище нетленное; Иисусе, богатство неистощимое. Иисусе, пище крепкая; Иисусе, питие неисчерпаемое. Иисусе, нищих одяние; Иисусе, вдов заступление. Иисусе, сирых защитниче; Иисусе, труждающихся помощи. Иисусе, странных наставниче; Иисусе, плавающих кормчий. Иисусе, бурных отишие; Иисусе Боже, воздвигни мя падшаго. Иисусе, Сыне Божий, помилуй мя.

Кондак 11

Пение всеумиленное приношу Ти, недостойный, вопию Ти, яко хананеа: Иисусе, помилуй мя: не дочь бо, но плоть имам, страстьми люте бесящуюся и яростию палимую, и исцеление даждь вопиюще Ти: Аллилуиа.

Икос 11

Светоподательна светильника сущим во тьме неразумия, прежде гоняй Тя Павел, бого-разумнаго гласа силу внуши и душевную быстроту уясни; сице и мене темныя зеницы душевныя просвети, зовуща: Иисусе, Царю мой прекрепкий; Иисусе, Боже мой пресильный. Иисусе, Господи мой пребезсмертный; Иисусе, Создателю мой преславный. Иисусе, Наставниче мой предобрый; Иисусе, Пастырю мой прещедрый. Иисусе, Владыко мой премилостивый; Иисусе, Спасе мой премилосердый. Иисусе, просвети моя чувства, потемненная страстьми; Иисусе, исцели мое тело, острупленное грехми. Иисусе, очисти мой ум от помыслов суетных; Иисусе, сохрани сердце мое от похотей лукавых. Иисусе, Сыне Божий, помилуй мя.

Кондак 12

Благодать подаждь ми, всех долгов решителю, Иисусе, и приими мя кающуюся, якоже приял еси Петра, отвергшагося Тебе, и призови мя унывающего, якоже древле Павла, гоняща Тя, и услыши мя, вопиюща Ти: Аллилуиа.

Икос 12

Поюще Твое вочеловечение, восхваляем Тя вси, и веруем со Фомою, яко Господь и Бог еси, седяй со Отцем и хотяй судити живым и мертвым. Тогда убо сподоби мя деснаго стояния, вопиющего: Иисусе, Царю предвечный, помилуй мя; Иисусе, цвете благовонный, облагоухай мя. Иисусе, теплото любимая,огрей мя; Иисусе, храме предвечный, покрый мя. Иисусе, одеждо светлая, украси мя; Иисусе, бисере честный, осияй мя. Иисусе, камению драгий, просвети мя; Иисусе, солнце правды, освети мя. Иисусе, свете святей, облистай мя; Иисусе, болезни душевныя и телесныя избави мя. Иисусе, из руки сопротивныя изми мя; Иисусе, огня негасимаго и прочих вечных мук свободи мя. Иисусе, Сыне Божий, помилуй мя.

Кондак 13

О пресладкий и всещедрый Иисусе! Приими ныне малое моление сие наше, якоже приял еси вдовицы две лепте, и сохрани достояние Твое от враг видимых и невидимых, от нашествия иноплеменик, от недуга и глада, от всякия скорби и смертоносныя раны, и грядущия изми муки всех, вопиющих Ти: Аллилуиа.

Этот кондак читается трижды, затем 1-й икос: «Ангелов Творче...» и 1-й кондак: «Возбренный Воеводо...»

Молитва

Владыко Господи Иисусе Христэ Бже мой, Иже неизреченнаго ради Твоего человеколюбия на конец веков во плоть оболкися от Приснодевы Марии, славлю о мне Твое спасительное промышление, раб Твой, Владыко; песнословлю Тя, яко Тебе ради Отца познах; благословлю Тя, Ебоже ради и Дух Святыи в мир прииде; покланяюся Твоей по плоти Пречистой Матери, таковой страшной тайне послужившей; восхваляю Твоя ангельская ликостояния, яко воспеватели и служители Твоего величества; ублажаю Предтечу Иоанна, Тебе крестившаго, Господи; почитаю и провозвестившия Тя пророки, прославляю апостолы Твоя святыя; торжествую же и мученики, священники же Твоя славлю; покланяюся преподобным Твоим, и вся Твоя праведники пестунствую. Таковаго и толикаго многаго и неизреченнаго лика божественнаго в молитву привожу Тебе, всецелому Богу, раб Твой, и сего ради прошу моим согрешением прощения, еже даруй ми всех Твоих ради святых, изряднее же святых Твоих щедрот, яко благословен еси во веки. Аминь.

Акафист Воскресению Христову



Кондак 1

Взбранный Воеводо, Господи небес и земли, победно благодарственное пение приносим Тебе, раби Твой, во ад ныне сшедшему и с Собой вся воскресившему, и наше избавление празднующе, светло вопиём: Христос воскрес из мёртвых, смертию смерть поправ и сущим во гробех живот даровав.

Икос 1

Ангел Господень, в вечер субботний в трусе вэлии сошед с небес, отвали камень от двэрий гроба Иисусова и сядяще на нем. От страха его сотрясошася стрегущии и быша яко мёртви. Мы же воскресшему живому Богу с мироносицами покланяемся и Пасху тайную благовествуем, вопиюще: Христос воскрес, и князи адстии падоша. Христос воскрес, и устрашишася вратницы адовы. Христос воскрес, и сокрушишася врата медная. Христос воскрес, и твердыни адовы положишася в запустение. Христос воскрес, и смерть рыдает. Христос воскрес, и ад, стена, вопиет: Христос воскрес из мёртвых, смертию смерть поправ и сущим во гробех живот даровав.

Кондак 2

Видяще Марія Магдалина, и Марія Иаковля, и Саломія юношу во гробе Иисусове, одяна во одежду белу и сядяща в десных, ужасошася. Он же глагола к ним: «Иисуса Распятого

ищите? Нестъ зде, востѣ бо, якоже рече. Приидите, видите место, идеже лежѣ Господь, и скоро шедше рците ученикомъ Его: Христосъ воскресе из мертвых, смертию смерть поправ и сущимъ во гробѣхъ живѣт даруѣвъ».

Икос 2

Разумъ неразумеваемый разумѣти ищуще, Петр и другій ученикъ течаща ко гробу и, вшедше в онъ, видѣша ризы едины лежаща и сударь, иже бе на главѣ Иисусове, не с ризами лежащ, но особъ свит на единомъ мѣсте, веровавшие же, возопиша с веселиемъ: Христосъ воскресе, и вся тварь радуется. Христосъ воскресе, небеса да веселятся. Христосъ воскресе, и сликовствуютъ намъ ангели. Христосъ воскресе, и просветишася преисподняя. Христосъ воскресе, воспойте праведныхъ души, из ада свободѣдшеся. Христосъ воскресе, воскликнемъ с веселиемъ, от смерти спасеннии. Пойте же Господеву вся земля: Христосъ воскресе из мертвых, смертию смерть поправ и сущимъ во гробѣхъ живѣт даруѣвъ.

Кондак 3

Силою свѣше облече Господь Свой ученики по воскресеніи. Тии же идоша в Галилею, в гору, а може повеле имъ Иисусъ, и пришедшимъ имъ глагола Иисусъ: «Дадѣся Ми всяка власть на Небеси и на земли. Шедше убо, научите вся языки, крестяще ихъ во имя Отца и Сына и Святаго Духа, учаще ихъ блюсти вся, елика заповѣдахъ вамъ». Тии же поклонишася Ему, зовуще: Христосъ воскресе из мертвых, смертию смерть поправ и сущимъ во гробѣхъ живѣт даруѣвъ.

Икос 3

Имущи в сердце своемъ любовь къ Учителю, Марія Магдалина стояще у гроба вне, плачущи, и Воставшаго из мертвыхъ видящи, яко вертоградяря, вопрошаше: «Аще Ты еси взялъ Его, повѣждь ми, где еси положилъ Его, и азъ возьму Его». Обаче, паче чаяния, слышавши: «Маріе, восхожду ко Отцу Моему и Отцу вашему и Богу Моему и Богу вашему», прииде ко ученикомъ, глаголющи: Христосъ воскресе, и жало греховное притупися. Христосъ воскресе, и мир от потопа греховнаго спасѣся. Христосъ воскресе, и мы от работы врагу свободихомся. Христосъ воскресе, и диаволу прельщение упразднися. Христосъ воскресе, и бывшее на насъ рукописание заглѣдися. Христосъ воскресе, и вся тварь обновися, зовущи: Христосъ воскресе из мертвых, смертию смерть поправ и сущимъ во гробѣхъ живѣт даруѣвъ.

Кондак 4

Бурю помышлѣнии сумнительныхъ внутрь имѣя, Фомѣ ученикомъ, глаголющимъ, яко виде-хомъ Господа, рече имъ: «Аще не увижу на руку Его язвы гвоздѣныя и вложу перста моего въ язвы гвоздѣныя, и вложу руку въ ребра Его, не иму веры», но, увѣрився, с веселиемъ возопи: Христосъ воскресе из мертвых, смертию смерть поправ и сущимъ во гробѣхъ живѣт даруѣвъ.

Икос 4

Слышавъ Фомѣ ученикъ, видѣвшихъ Господа, и очима своимъ хотѣя Того зрѣти, рече: «Не иму веры». По днѣхъ же осьмихъ прииде Иисусъ затвореннымъ дверемъ, ста посреде ученикъ и глагола Фомѣ: «Принеси перст твой семо, и виждь рuce Мои, и принеси руку твою, и вложи въ ребра Моя: и не буди неверенъ, но веренъ». И отвѣща Фомѣ, и рече: Христосъ воскресе, Ты еси

Господь мой. Христос воскрес, Ты еси Бог мой. Христос воскрес, и вси нетление и жизнь восприяхом. Христос воскрес, и мертвии восташа. Христос воскрес, и избавихомся осуждения и муки. Христос воскрес, и жизнь из гроба возсия миру поюще: Христос воскрес из мертвых, смертию смерть поправ и сущим во гробех живот даровав.

Кондак 5

Божества огнем не опалися Фома, ребро Спасово дерзновенно осязав. Паче же просветися, Бога, на спасение наше воплотившася и паки с плотию воскресшаго, познав. Темже неверием своим блаженный близнец церковную веру утверждает, юже исповедующе согласно вопием: Христос воскрес из мертвых, смертию смерть поправ и сущим во гробех живот даровав.

Икос 5

Видевше Иисуса воскресша, ученицы убояхуся, мняще дух видети. Иисус же, хотя уверити их, показа им рuce и нозе и ребра Своя, таже рыбы печены часть прием и от пчел сот пред ними яде. Тем уверившеся и страх свой и печаль свою отложивше, в радости пояху: Христос воскрес, хуждая восприим, и подаде нам лучшая. Христос воскрес, и ад умертвися блистанием Божества Его. Христос воскрес, и тьма разрушися, и мрачнии демони отгнашася. Христос воскрес, и истлевшее страстьми человеческое естество обновися. Христос воскрес, и беззакония наша туе очистишася. Христос воскрес, и мы вси, в нетление облечешася, песнь сию Ему приносим: Христос воскрес из мертвых, смертию смерть поправ и сущим во гробех живот даровав.

Кондак 6

Проповедники по воскресении Твоем в мир посылая, богоносныя апостолы Твоя, Христэ, рекл еси им, дунув: «Приимите Дух Свят. Имже отпустите грехи, отпустятся им; и имже держите, держатся». Темже даже и до днесь во всем мире чада церковная, от грехов разрешаеми, славят непрестанно Твое милосердие и душами чистыми в радости поют: Христос воскрес из мертвых, смертию смерть поправ и сущим во гробех живот даровав.

Икос 6

Возсиял еси, Христэ, и во мрачных долинах ада свет Твоего Воскресения, прощение и ослабу, и избавление благовествуя, Многомилостиве, душам от века тамо содержимым. Темже от змия, человекоубийцы, исхищаемы, играюще, к свету Твоему устремишася, поюще: Христос воскрес, и узы наша разтерзашася. Христос воскрес, и сень смертная в вечную жизнь преложися. Христос воскрес, и держава смерти уже не возможет держати человека. Христос воскрес, и мучителя дерзость низложися. Христос воскрес, и рай вместо ада жити нам даровася. Христос воскрес, и мир воспевае присно: Христос воскрес из мертвых, смертию смерть поправ и сущим во гробех живот даровав.

Кондак 7

Хотяй падшему Адаму послужити, Спасе наш, на земли явился еси, и на земли того не обрет, даже до ада низшел еси ища, да, сретив Тя долу, в преисподних земли, со всеми

спаса́емыми поёт: Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

Икос 7

Но́вья жи́зни нача́ло положи́л еси́ ми́рови, Го́споди, Твои́м сла́вным Воскресе́нием. Ве́тхая бо вся мимоидо́ша: и ад, и смерть, и вла́стительство диа́вола. Свобо́дна у́бо вся тварь позна́вается, и пре́жде омраче́ннии, ны́не я́ко сынове Бо́жии, ликуют, пою́ще: Христо́с воскресе́, бе́здну ми́лости и щедро́т излия́в на род наш. Христо́с воскресе́, в ров низпа́дших нас воздви́гнувый с Собо́ю. Христо́с воскресе́, и мы от сетей де́монских изба́вихомся. Христо́с воскресе́, и го́рестъ греха́ в сла́дость ра́йския жи́зни преложи́ся. Христо́с воскресе́, и дре́вом умерщвле́нии о́жихом. Христо́с воскресе́, и нас возведе́ в пре́жнее досто́яние, да зове́м: Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

Кондак 8

Стра́нствуя с Клеопо́ю и Луко́ю в весь, отстоя́щую ста́дий шестьдеся́т от Иерусали́ма, и не позна́н быв и́ма, поноси́л еси́, Спа́се, неве́рствию их и жестосе́рдию, глаго́ля: «Не сия́ ли подоба́ше пострада́ти Христу́ и вни́ти в сла́ву Свою́?» И, нача́н от Моисе́я и от всех проро́к, научи́л еси́ их пе́ти: Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

Икос 8

Всего́ Себе́, Бо́га су́ща и челове́ка соверше́нна, препода́л еси́, Спа́се, двема́ учени́кома Твои́ма во Еммау́се, егда́ прии́мь хлеб, благослови́л еси́ и, преломив, дал еси́ и́ма. Оне́ма и отверзо́стися о́чи, и позна́ста Тебе́, Ты же невиди́мь бысть и́ма, и рекоста́ к себе́: Христо́с воскресе́, и жизнь воцари́ся. Христо́с воскресе́, и диа́воля лестви́ца обли́чися. Христо́с воскресе́, и преста́ же́ртва идо́льская. Христо́с воскресе́, и вся зе́мля прино́сит Ему́ же́ртву хвале́ния. Христо́с воскресе́, и мы, вкуси́вше дре́вле преслуша́ннаго бра́шна, ны́не вкуша́ем пи́щи ве́чныя. Христо́с воскресе́, и мы ра́дости присносу́щныя прича́стницы быва́ем, пою́щими: Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

Кондак 9

Вси а́нгели, Христэ́ Спа́се, Твоё́ воскресе́ние пою́т на небеси́. Сподоби́ и нас на зе́млі чи́стым се́рдцем в весе́лии воспева́ти: Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

Икос 9

Вети́я всеми́рный и учи́тель язы́ков Па́вел богоглаго́ливый, я́ко труба́, вопиёт: «Христо́с воскресе́ от ме́ртвых, нача́ток воста́ния умерших бысть. Я́коже во Ада́ме вси умира́ют, тако́же и о Христэ́ вси оживу́т». Те́мже воскресе́ние Христо́во ви́девше, в ра́дости вопи́ем: Христо́с воскресе́, и князь ми́ра низложи́ся. Христо́с воскресе́, и трепеще́т преиспо́дняя. Христо́с воскресе́, и смерть поже́рта бысть победо́ю. Христо́с воскресе́, и ад плене́н бысть Того́ держа́вою. Христо́с воскресе́, и свобо́дихомся от а́довых неруши́мых уз. Христо́с воскресе́, и

мы, из истлѣния избавльшеся, сыны воскресѣния яви́хомся, и поём: Христосъ воскресе из мѣрт-
вых, смѣртию смерть поправъ и сущимъ во гробѣхъ живѣт даровавъ.

Кондак 10

Спасти́ хотя́ родъ человѣческiй отъ рабѣи вражiя, распятiе и смерть претерпѣл еси́, Гос-
поди, погребѣнъ же бывъ, въ трѣтiй день отъ мѣртвыхъ восталъ еси́. Темъ же ангелъ, блистаясь во
гробѣ, благовѣстуетъ жена́мъ, глаголя: Христосъ воскресе изъ мѣртвыхъ, смѣртию смерть поправъ и
сущимъ во гробѣхъ живѣт даровавъ.

Икос 10

Трѣтiе по воскресѣнии явися Иисусъ на мѣри Тиверiадстемъ рыбу ловящимъ Симону
Петру́, и Фомѣ, и Нафанáилу, и сыномъ Зеведеевымъ со инѣма отъ ученикъ Его́ двема́ и, яко Вла-
ды́ка всехъ, повелеваетъ мре́жу одесную́ страну́ корабля́ вверещи́, и бысть слово́ дѣло въскоре́, и
мно́гое рыбъ мно́жество, и вѣчера́ странна́ готова́ на земли́. Ея́ же ны́не мы́сленно насладитися
и нас сподоби́, Господи́, пою́щихъ: Христосъ воскресе́, и даде́ся Ему́ власть на небеси́ и на земли́.
Христосъ воскресе́, и Ца́рство Божiе настá. Христосъ воскресе́, и Тѣло́ Его́, яко́ Хлебъ Жiзни,
вси́ прие́млемъ. Христосъ воскресе́, и Кро́ви Его́, яко́ Исто́чника Безсмѣртнаго́, вкуша́емъ. Хри-
стосъ воскресе́, и Ада́мъ, свободѣ́нъ, съ нами́ ликуетъ. Христосъ воскресе́, и Ева́, отъ узъ избавля́ема,
ра́дуется, зову́щи: Христосъ воскресе́ изъ мѣртвыхъ, смѣртию смерть поправъ и сущимъ во гробѣхъ
живѣт даровавъ.

Кондак 11

Пѣ́ние всеуми́ленное приноша́ше воскресе́шему Тебѣ́, Петръ, три́щи бо отвѣ́ржеся Тебѣ́,
три́щи же и испове́дуя: «Господи́, Ты вся́ ве́си, Ты ве́си, яко́ люблю́ Тя». Три́щи и слы́шитъ отъ
Тебѣ́ сладча́йшее на па́ству па́ки призва́ние: «Паси́ агнцы́ Моя́, паси́ о́вцы́ Моя́». Тѣмъ же и зоветъ:
Христосъ воскресе́ изъ мѣртвыхъ, смѣртию смерть поправъ и сущимъ во гробѣхъ живѣт даровавъ.

Икос 11

Свѣ́та Подáтелю, яко́же со́лнце, возсия́л еси́ триднѣ́вно отъ гроба́ и вся́ просвети́л еси́
свѣ́томъ и́стиннаго богопозна́ния. Тѣмъ же сядя́щии во тьмѣ́ невѣ́рія и сомнѣ́ния увѣ́рихомся со
апѣ́стола, яко́ Господь еси́, и не истязу́емъ уже́: «Ты кто еси́?» Но воскресе́шаго́ Тя сла́вяще,
во умилѣ́нии зове́мъ: Христосъ воскресе́, и вся́ческая просвети́ Воскресе́ниемъ Свои́мъ. Христосъ
воскресе́, и свѣ́тъ вѣ́чный возсия́ во тьмѣ́ и сѣни́ смѣртней сядя́щимъ. Христосъ воскресе́, и вѣ́р-
нымъ подаде́ тайно осе́няющее́ свѣ́ше Ду́ха сия́ние. Христосъ воскресе́, и духо́вная очеса́ прѣ́жде
слѣ́пыхъ отверзо́шася. Христосъ воскресе́, и мы́ Отца́ свѣ́тов позна́хомъ. Христосъ воскресе́, да
посра́мятся вси́ отвѣ́ргшиися́ Господа́ сла́вы и съ нами́ да воспою́тъ: Христосъ воскресе́ изъ мѣрт-
выхъ, смѣртию смерть поправъ и сущимъ во гробѣхъ живѣт даровавъ.

Кондак 12

Благода́тию Твое́ю вся́кому́ челове́ку удобней́шiй путь спасе́ния указу́я, Христѣ́, глаго́лалъ
еси́ Симону́ Петру́: «Егда́ состаре́ешися, возде́жеша ру́це твои́, и инъ тя поя́шетъ и веде́тъ, а́може
не хоще́ши», назна́менуя, ко́ею смѣ́ртию просла́витъ Бо́га. Возлю́бленному́ же учени́ку повеле́лъ
еси́ пребы́вати, до́ндеже прииде́ши. Тѣмъ же, а́ще и разлучи́вшеся́ апѣ́столи, оба́че сою́зомъ любве́

связа́еми, согла́сно воспева́ху: Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

Икос 12

Пою́ще Твое́ тридне́вное воскресе́ние, Христэ́, раду́емся Твоему́ непрело́жному обеща́нию. С на́ми бо до сконча́ния ве́ка бы́ти обеща́лся еси́, от вся́кого зла нас избавля́я и к жи́зни ве́чной руково́дствуя. Сего́ ра́ди, сла́вяще Тя, вопие́м: Христо́с воскресе́, и мы вре́да вся́кого избавля́емся ны́не. Христо́с воскресе́, и нас одесну́ю Отца́ с Собо́ю посади́л естѣ. Христо́с воскресе́, и нас прича́стники ве́чных сла́вы Свое́я соде́ла. Христо́с воскресе́, и дре́вле сокруши́вый пра́отца си́льный враг сокруши́ся. Христо́с воскресе́, и со а́нгелы мы, пре́жде отринове́ннии, водворя́емся. Христо́с воскресе́, и с Собо́ю вся воскреси́т, зову́щия: Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

Кондак 13

О Па́сха ве́лия и свяще́ннейшая, Христэ́ Иису́се, Спаси́телю наш, благода́рно испове́дуем спаси́тельную вели́кую ми́лость Твою́, я́ко и па́ки сподо́бил еси́ нас, недостой́ных, ны́не вкуси́ти ра́дости Све́тлаго Воскресе́ния Твоего́. Подава́й нам в невече́рнем дни Ца́рствия Твоего́ и́стее и соверше́нное Тебе́, Сладча́йшаго, причаща́тися, да со а́нгелы и все́ми святы́ми во ве́ки веко́в пое́м вси ра́достно: Христо́с воскресе́ из ме́ртвых, сме́ртию смерть попра́в и су́щим во гробе́х живо́т дарова́в.

Этот кондак читается трижды, затем 1-й икос: «А́нгел Господе́нь...» и 1-й кондак: «Возбра́нный Воеводо...»

Молитва

Воскресе́ние Христо́во ви́девше, поклони́мся Свято́му Го́споду Иису́су, еди́ному безг-
ре́шному. Кресту́ Твоему́ покланя́емся, Христэ́, и Свято́е Воскресе́ние Твое́ пое́м и сла́вим: Ты
бо еси́ Бог наш, ра́зве Тебе́ ино́го не зна́ем, и́мя Твое́ имену́ем. Прииди́те, вси ве́рнии, покло-
ни́мся Свято́му Христо́ву Воскресе́нию: се бо прии́де Кресто́м ра́дость все́му ми́ру. Всегдѣ́а
благословя́ще Го́спода, пое́м Воскресе́ние Его́: распя́тие бо претерпе́в, сме́ртию смерть раз-
руши́.

Акафист Кресту Христову



Кондак 1

Приидите, христоименитии людие, составим похвалу Честному Кресту, на нем же Христос, Царь Славы, рuce распростер, возвед нас на первое блаженство, из него же низпадохом прелестью змиевою. Ты же, о пресвятый Кресте, яко имеяй присущую тебе силу Распятого Христа, спасай и сохраняй от всяких бед любовно зовущия ти: Радуйся, Честный Кресте, всерадостное знамение нашего искупления.

Икос 1

Ангелов лица, яко Божии служителие, Крест обстоюще, вольную страсть Христа Жизнодавца прославляют. Мы же страданиями Того вечныя смерти избавльшися, подражая горним силам, радостно зываем: Радуйся, Кресте, яко на тебе Христос Бог наш, волею рuce распростер, спасение наше содела; радуйся, яко распростершимся на тебе Христом преступление Адама и Евы, простерших рuce ко древу запрещенному, упразднися. Радуйся, яко воздвижену бывшу на тебе, аки преступну, Законодавцу, древняя клятва, яже на нас бывшая, потребися; радуйся, яко содеявшимся на тебе, странным таинством род человеческий от тли смертныя свободися. Радуйся, яко Пострадавшим и Умершим на тебе жало смерти сокрушися; радуйся, Того ради страдания Бог с человеки примирися. Радуйся, Честный Кресте, всерадостное знамение нашего искупления.

Кондак 2

Видя падших человеков, Господи, Ты вочеловечився, крест и смерть вольно плотию претерпел еси за род наш, да от смерти вечныя избавиши исповедающих Тя, Сына Божия и вопиющих Ти: Аллилуиа.

Икос 2

Разум человек изнемогает в постижении вѣлия тайны Твоего, Христѣ, воплощения и вольнаго за ны страдания: како Ты, Бог сый безстрастный, страсть крестную, яко человек, претерпел еси и сие орудие смерти Твоея соделал еси источником жизни и спасения всем благочестно в Тя верующим и хвалѣбно воспевающим: Радуйся, Кресте, на нем же содеся таинство, от века предопределенное; радуйся, яко на тебѣ совершился наше искупление, многообразне во образех и сѣнех предъявленное. Радуйся, яко умерый на тебѣ Жизнодавец, кровь и воду источи, ими же грехи наша омываются; радуйся, яко каплями святѣйшей крове Его греховныя струпы душ наших очищаются. Радуйся, Кресте, якоже древо животное, еже есть посреде рая Божия, христианом возжеланный; радуйся, плодами безсмертия умно нас питающий и надеждою жизни вечныя малодушие наше ободряющий. Радуйся, Честный Кресте, всерадостное знамение нашего искупления.

Кондак 3

Крест Твой, аще и древо видимо есть существомъ, но Божественною одѣяно есть силою, и чувственное мира выявляемо, умно наше чудотворит спасение, подвизая пѣти Тебѣ: Аллилуиа.

Икос 3

Имуще пред очима нашими Крест пресвятый, святолепным поклонением той почитаем распѣшагося ради на нем Спаса Христа, и, лобызая, взываем: Радуйся, Кресте, прославленный послушанием и страданием Христовым; радуйся, возвеличенный возвышением на тебѣ Сына Божия, Иже весь мир от падения Адамля воздвиже. Радуйся, яко сбывшагося на тебѣ ужаснаго таинства земля ужасеся и вострепетаетъ, аки бы хотящи поглотити законопреступныя; радуйся, яко зажавшуся на тебѣ Агнцу Божию завеса храма раздрася и жертва ветхозавѣтная упразднися. Радуйся, Кресте, яко распавшуся под тобою камню, каменносердечнии роди еврейстии неверием от Бога отпадоша, благодати же священства и царства лишися; радуйся, яко омрачившуся солнцу в страсти Христовой ночь многобожия прейде и свет веры возсия. Радуйся, Честный Кресте, всерадостное знамение нашего искупления.

Кондак 4

Бурею злобы дышуще и завистию движими, первосвященницы иудейстии скрыша в землю Крест Твой, Христѣ Бже, да не будетъ обличениемъ безумие их; но той, яко сокровище драгое, из недр земли возсия, тщаниемъ благочестивыя царицы Елены обретенный и на радость всему миру явленный, с богокрасною пѣснию: Аллилуиа.

Икос 4

Видевше тогда христианстии людие Честнаго Креста обрѣтение, прославляху распѣнагося на нем Христа Бога, «Господи помилуй», – взывающе. Мы же ныне, подражающе им, прославляем Крест Его святыи хвалѣньми сицевыми: Радуйся, Кресте, в зѣмлю сокровѣнный и оскверненное грѣхами наше естество земное освятивый; радуйся, явлением своим из недр земных хулителей воплощения и Божества Христова посрамивый. Радуйся, яко Пострадавый на тебе плотию прияхъ всяку власть на небесѣхъ и на земли, да всехъ и вся къ Богу Отцу приведетъ; радуйся, яко умерый на тебе яко человекъ силою Божества Своего сокруши заклѣпы а́да и изведе оттуда души праведныхъ. Радуйся, Кресте, яко разбойникъ благоразумный, Христу сраспявыйся, Того исповедавый, тобою, а́ки лѣстницею, на небеса възиде; радуйся, яко и всехъ отсечениемъ страстей Христу сраспинающихся возводиши въ Царствие Небесное. Радуйся, Честный Кресте, всерадостное знамение нашего искупления.

Кондак 5

Господи, при Моисее иногда пророце точию образъ Креста Твоего являемъ побеждаше враги Твоя, ныне же самый Крест Твой имуще, помощи просимъ: укрепи Церковь Твою и даруй ей победы на враги, да расточатся вси врази Твои, не вопиющии Ти: Аллилуиа.

Икос 5

Честнаго Креста, Христѣ, дѣйство прообразивъ Моисей, победи противнаго Амаліка въ пустыне Синайстей: егда бо простираше руце, креста образъ творя, укрепляхуся людие; ныне же все вещей событие въ нас исполнися: днесь Крестъ воздвизается, и дѣмони бѣгаютъ, днесь тварь вся от тли свободися, яко вся Креста ради возсияша намъ дарования. Темже, радующеся, вопиѣмъ: Радуйся, Кресте, оружіе Христово страшное, егоже дѣмони трепещутъ; радуйся, яко силою на тебе распятаго Христа бесовстии полчища далече прогоняются. Радуйся, яко силою дѣйствующая въ тебе Божественныя благодати победы на сопротивныя христолюбивымъ людемъ даруются; радуйся, яко от тебе, яко высокорослейнаго и многоплодоваго древа Христова на тебе страдания, плоды жизни и спасения намъ произрастаютъ. Радуйся, Честный Кресте, всерадостное знамение нашего искупления.

Кондак 6

Проповѣдникомъ силы и Божества Христова явися иногда животворящее Древо Крестное, егда прикосновениемъ своимъ воскресилъ мертвѣаго и къ жизни возведе его, еже видевше, мнози от иудей и язычниковъ познаша велию благочестія тайну: яко спасения ради человѣческаго, Богъ во плоти явися и страсть крестную претерпѣ, да спасетъ вопиющія Ему: Аллилуиа.

Икос 6

Якоже древо райское превѣлие, возвысися на Голгофѣ Честный Крестъ Христовъ, отонудуже во всю вселенную распростре мысленныя вѣтви благодати и Распѣнагося на немъ: под егоже сѣнию обрѣтаютъ прохладу палимии знобемъ страстей и хотящии благочестно жити о Христѣ Иисусѣ. Темже и мы, благодати Того причастницы, весело взываемъ: Радуйся, святыи Кресте, древомъ жизни, Адама ради въ Едемѣ насажденнымъ, преображенный; радуйся, новымъ

Ада́мом, ру́це на тебе́ распросте́ршим, ми́ру явле́нный. Ра́дуйся, я́ко под сень благода́тного защище́ния твоего́ вси ве́рнии прибега́ют; ра́дуйся, я́ко милосе́рдием Дарова́вшего нам тебе́ ка́ющиися гре́шницы огня́ ге́енскаго избега́ют. Ра́дуйся, Кре́сте, утеше́ние на́ше в ско́рбех и печа́лех; ра́дуйся, живи́тельная отра́до и по́мощь изнемога́ющим в борьбе́ с прило́гами страсте́й, ми́ра и диа́вола. Ра́дуйся, Че́стный Кре́сте, всера́достное зна́мение на́шего искупле́ния.

Кондак 7

Хотя́ яви́ти ро́ду челове́ческому благода́ти и милосе́рдия Своего́ неизсле́димую пучи́ну, Крест Твой, Го́споди, дал еси́ нам тве́рда блюсти́теля и прогони́теля де́монов. Те́мже вси мы, и́же в Тя ве́рующи, прославля́ем вели́чие страсти Твоея́, благода́рно пою́ще Тебе́: Аллилу́иа.

Икос 7

Дивны́ дела́ яви́л еси́, Го́споди, Кресто́м Твои́м Че́стны́м: распе́нуся бо Ти на том плото́у, вся тварь измени́ся: со́лнце лучи́ своя сокры́, основа́ния земли́ восколеба́хуся, ад сокруши́ся держа́вою вла́сти Твоея́ и изведе́ ю́зники, я́же от ве́ка содержалъ е́сть. Сего́ ра́ди увяза́ем той си́ми пе́сенными цве́ты: Ра́дуйся, Кре́сте, я́ко пострада́вшему на тебе́ вся тварь сострада́ше, я́ко Творцу́ своему́ и Влады́це; ра́дуйся, я́ко си́лу Того́ и Божество́ свиде́тельствоваху со́лнце помраче́нием и земля́ колеба́нием. Ра́дуйся, я́ко Уме́рый на тебе́ не удержа́н бысть в ме́ртвых, но, разруши́в держа́ву сме́рти, в тре́тий день воскре́се; ра́дуйся, я́ко воскре́сшу Тому́ про́поведь ева́нгельская, от ли́ка апо́стольскаго наче́ншаяся, во вся концы́ земли́ изы́де. Ра́дуйся, Кре́сте, я́ко тобо́ю кумирослуже́ние и многобо́жие язы́ческое упраздни́ся; ра́дуйся, я́ко тебе́ ра́ди пра́вая ве́ра во Еди́наго Бо́га, в Тро́ице сла́вимаго, по всей земли́ утверди́ся. Ра́дуйся, Че́стный Кре́сте, всера́достное зна́мение на́шего искупле́ния.

Кондак 8

Стра́нно Бо́га вочелове́чшася и на кресте́ распята́ бывша мы́сленно ви́дяще, устрани́мся суетна́го ми́ра, ум на небеса́ прело́жше. Сего́ ра́ди Бог на зе́млю снйде и на Крестъ взы́де, да тем, а́ки ле́ствицею, на небеса́ возведётъ вопию́щия Ему́: Аллилу́иа.

Икос 8

Днесъ Ада́м со Евою́ весели́тся, предше́жащий ви́дяще Крестъ, и́мже пораже́н бысть супоста́т, и́же дре́вле в рай вкуше́нием запре́щенного пло́да тех прельсти́вый и плённики себе́ сотвори́вый. Те́мже и мы, сра́дующеся пра́отцем на́шим о изба́влении от плене́ния на́шего душе́внаго, благоговейно́ воспева́ем: Ра́дуйся, Кре́сте, я́ко на тебе́ Па́стырь до́брый ду́шу Свою́ положи́ за о́вцы Своя́ и да́же до а́да снйде, ища́ заблудших; ра́дуйся, я́ко Той не презре́ де́ло руку́ Своею́, Ада́ма со Евою́, но со ине́ми пра́ведники исхити́ я из а́да, я́ко из че́люстей зве́ря кре́пкаго, и в рай всели́ их. Ра́дуйся, я́ко на тебе́ пригво́жденному Христу́ пла́менное ору́жие плещи́ даде́ и херуви́м, Еде́м храня́щий, отступи́ от дре́ва жи́зни; ра́дуйся, я́ко мы, ны́не кре́щениемъ возрожде́ннии, во Христе́ но́вые лю́дие, невозбра́нно причаща́емся райския́ пи́щи. Ра́дуйся, Кре́сте, же́зле си́лы Христо́вы, от Си́она по́сланный, и́мже мы пасе́мся на па́житехъ ева́нгельскихъ уче́ний; ра́дуйся, я́ко тобо́ю невреди́ми сохра́няемся от волко́в душегубныхъ, я́ко льво́ве рыка́ющихъ и и́щущихъ, кого́ поглотити. Ра́дуйся, Че́стный Кре́сте, всера́достное зна́мение на́шего искупле́ния.

Кондак 9

Всяких бед и козней вражиих избави ны, Кресте треблаженный, яко приемый благодать и силу от пригвожденнаго на тебе Христа, Емуже яко Богу и Избавителю нашему благодарственно и хвалебно поём: Аллилуиа.

Икос 9

Ветийство всякое земнородных не довлѣет к прославленію Креста Твоего, Господи, на немже спасение наше соделал еси; темже, недоумеваяще восхвалити той по достоянію, взываем сице: Радуйся, Кресте, яко вознесенный на тебе Спас мира мнози люди в познание Свое призвал и до ныне призывает; радуйся, яко возсиявый на тебе, аки на свѣщнице, Свет истинный вся концы земли светом боговѣдения озаряет. Радуйся, яко ныне Восток и Запад пострадавшаго на тебе прославляют; радуйся, яко и ты, яко подножие Христова, вси вернии, возносяще, прославляют. Радуйся, яко от тебе, яко от неизсякаемаго источника, христоименитиі людіе обилие благ вечных почерпают. Радуйся, Честный Кресте, всерадостное знамение нашего искупления.

Кондак 10

Спастися хотящим нам и под сень защищения твоего прибегающим, буди помощник, пресвятый Кресте, сохраняя ны от всех зол силою на тебе распятаго Христа, Емуже яко Богу и Избавителю нашему благодарственно и хвалебно поём: Аллилуиа.

Икос 10

Стена еси, ограждающая нас от бед и напастей, Кресте всечестный, и столп крепкий противу лица вражия, к немуже невидимии борителие приступити не смеют, боящися взира́ти на силу твою. Сего ради с верою ограждаемся святым твоим знаменіем и весело воспеваем: Радуйся, пречестный Кресте Христов, от нападения духов злобы нас защищай; радуйся, от различных стрел их невредимы ны сохраняяй. Радуйся, яко от знаменія твоего, с верою благочестно творимаго, вся силы ада, яко дым от вѣтра, исчезают; радуйся, яко тобою вся крепость их, яко воск от лица огня, истает. Радуйся, яко святіи мученицы, знаменіем твоим ограждашеся и имя Христово призвавше, всякий вид мучений мужественно претерпѣша; радуйся, яко преподобнии отцы помощію силы Божества, знаменію твоему прису́щия, бесовская страхованія и страстей возстанія победиша. Радуйся, Честный Кресте, всерадостное знаменіе нашего искупления.

Кондак 11

Пѣние всеумиленное принѣсим ти, всечестный Кресте, и смиренно молимся распятому на тебе Христу Богу нашему, Иже дарова нам тебе во отраду и утѣшеніе в скорбех, да страстію Своею избавит нас от страстей душевредных и научит благоверно воспевати Ему: Аллилуиа.

Икос 11

Свѣтом благодати Божией, таинственне ти присуция, просвети наша душевная чувства, Кресте пресвятый, да тою озаряеми и наставляеми, не поткнемся о камень соблазна, но да возможем путем заповедей Божиих правошествовати во всей жизни нашея, воспевающе ти сице: Радуйся, непрестающих чудес Христовых вестниче и милосердия Его к роду человеческому проповедниче; радуйся, Кресте, рода человека обновление и Новаго Завета Христова печать и утверждение. Радуйся, торжество веры христианския и благонадежный якорю упования нашего; радуйся, святых храмов Божиих украшение и домов благочестивых ограждение. Радуйся, полей и вертоградов благословение; радуйся, всех стихий освящение. Радуйся, Честный Кресте, всерадостное знамение нашего искупления.

Кондак 12

Благодать Твою всемогущую подаждь нам, Господи, да последуем Тебе, Владыце нашему, вземше крест наш, не гвоздьми пригвозждающеся тому, но трудами, воздержанием и смирением, да тако причастницы будем страданий Твоих, от нихже истекают потоцы жизни вечныя, напаяющия вся правотверныя, благочестно поющия Ти: Аллилуиа.

Икос 12

Поюще величие твое, всечестный Кресте, восхваляем тя вси, яко победоносный скипетр Царя Небеснаго, нашего же спасения всерадостное знамение, темже и вопием: Радуйся, Кресте, православных христиан державо и несокрушимое их ограждение; радуйся, святителей украшение и всех подвижников веры и благочестия сила и подкрепление. Радуйся, Кресте, от колыбели и до гроба на всех путях жизни нас ограждаяй и по смерти на воздушных мытарствах от духов злобы нас защищаяй; радуйся, яко под знаменiem твоим почивающии, умершии в вере и благочестии, в последний день воскреснут в жизнь вечную. Радуйся, Кресте, явлением своим на небеси предварити имый славное Второе Пришествие Христово; радуйся, яко распянии Христа и вси невернии узрят тя тогда и горце возрыдают, любящии же Господа, зряще тя, вельми возрадуются. Радуйся, Честный Кресте, всерадостное знамение нашего искупления.

Кондак 13

О пречестный и животворящий Кресте Господень, всех христиан утешение! Ты ныне предлежаща видяще, возводимся мыслию к распятому на тебе Христу, Ему же и молимся смиренно, да тебе ради помилует нас, грешных, и сподобит в селениях райских воспевати Ему: Аллилуиа.

Этот кондак читается трижды, затем 1-й икос: «Ангелов лица...» и 1-й кондак: «Приидите, христоименити людие...»

Молитва

Кресте Честный, хранитель души и телу буди ми: образом своим бесы низлагая, враги отгоняя, страсти упражняя и благоговение даруя ми, и жизнь, и силу, содействием Святаго Духа и честными Пречистыя Богородицы мольбами. Аминь.

Акафист Пресвятой Богородице



Кондак 1

Взбранной Воеводе победительная, яко избавльшися от злых, благодарственная восписуем Ти раби Твой, Богородице; но яко имущая державу непобедимую, от всяких нас бед свободи, да зовем Ти: радуйся, Невесто Неневестная.

Икос 1

Ангел предстатель с небес послан бысть рещи Богородице: радуйся, и со безплотным гласом воплощяема Тя зря, Господи, ужасашеся и стояше, зовый к Ней таковая: Радуйся, Еюже радость возсияет; радуйся, Еюже клятва исчезнет. Радуйся, падшаго Адама воззвание; радуйся, слез Евиных избавление. Радуйся, высоту неудобовосходимая человеческими помыслы; радуйся, глубино неудобозримая и ангельскими очима. Радуйся, яко еси Царство седиши; радуйся, яко носиши Носящего вся. Радуйся, звезд, являющая Солнце; радуйся, утроба Божественного воплощения. Радуйся, Еюже обновляется тварь; радуйся, Еюже покланяемся Творцу. Радуйся, Невесто Неневестная.

Кондак 2

Видящи Свята́я Себе́ в чистоте́, глаго́лет Гаври́илу дерзостно: «Пресла́вное твоего́ гла́са неудо́бноприя́тельно ду́ши Моёй является: безсе́меннаго бо зача́тия рождество́ ка́ко глаго́леши, зовы́й: Аллилу́иа?»

Икос 2

Ра́зум недора́зумевáемый разуме́ти Де́ва и́щущи, возопи́ к служа́щему: «Из боку́ чи́сту, Сы́ну ка́ко есть роди́тися мо́щно, рцы́ Ми?» К Нейже́ он рече́ со стра́хом, оба́че зовы́й си́це: Ра́дуйся, сове́та неизрече́ннаго тайннице; ра́дуйся, молча́ния прося́щих ве́ро. Ра́дуйся, чуде́с Христо́вых нача́ло; ра́дуйся, велений́ Его́ главизно. Ра́дуйся, ле́стнице небе́сная, Ею́же сни́де Бог; ра́дуйся, мо́сте, преводя́й су́щих от земли́ на не́бо. Ра́дуйся, а́нгелов многосло́вущее чу́до; ра́дуйся, бесо́в многоплаче́вное пора́жение. Ра́дуйся, Свет неизрече́нно роди́вшая; ра́дуйся, е́же ка́ко, ни еди́наго же научи́вшая. Ра́дуйся, премуд́рых превосходя́щая ра́зум; ра́дуйся, ве́рных оза́ряющая смы́слы. Ра́дуйся, Неве́сто Нене́вестная.

Кондак 3

Си́ла Вы́шняго осени́ тогда́ к зача́тию Брако́неиску́сную и благопло́дная То́я ложесна́, я́ко село́ показá сла́дкое, всем хотя́щим жа́ти спасе́ние, внегда́ пе́ти си́це: Аллилу́иа.

Икос 3

Иму́щи Богоприя́тную Де́ва утробу́, востече́ ко Елиса́вети; младе́нец же о́ная а́бие позна́в Сея́ целова́ние, ра́довашеся, и игра́ньми я́ко пе́сньми вопия́ше к Богоро́дице: Ра́дуйся, о́трасли неувяда́емая розго́; ра́дуйся, пло́да безсме́ртнаго стяжа́ние. Ра́дуйся, де́лателя де́лающая́ Чело́веколю́бца; ра́дуйся, Сади́теля жи́зни на́шея ро́ждшая. Ра́дуйся, ни́во, растя́щая гобзова́ние щедро́т; ра́дуйся, трапе́зо, нося́щая оби́лие очище́ния. Ра́дуйся, я́ко рай пи́щный процвета́еши; ра́дуйся, я́ко приста́нище ду́шам гото́виши. Ра́дуйся, прия́тное моли́твы кади́ло; ра́дуйся, всего́ ми́ра очище́ние. Ра́дуйся, Бо́жие к сме́ртным благоволе́ние; ра́дуйся, сме́ртных к Бо́гу дерзнове́ние. Ра́дуйся, Неве́сто Нене́вестная.

Кондак 4

Бу́рю внутре́ имéя помышле́ний сумни́тельных, целомудре́нный Ио́сиф смяте́ся, к Тебе́ зря́ небра́чней, и бра́коокра́дованную помышля́я, Непоро́бная; уве́дев же Твое́ зача́тие от Ду́ха Свя́та, рече́: Аллилу́иа.

Икос 4

Слы́шаша па́стырие а́нгелов пою́щих плотско́е Христо́во прише́ствие, и те́кше я́ко к Па́стырю́ видят Сего́ я́ко а́гнца непоро́бна, во чре́ве Мари́ине упáсшася, Ю́же пою́ще ре́ша: Ра́дуйся, А́гнца и Па́стыря́ Ма́ти; ра́дуйся, дво́ре словес́ных ове́ц. Ра́дуйся, невидимых враго́в муче́ние; ра́дуйся, ра́йских две́рей отверже́ние. Ра́дуйся, я́ко небе́сная сра́дуются земны́м; ра́дуйся, я́ко земна́я сликовству́ют небе́сным. Ра́дуйся, апо́столов немол́чная уста́; ра́дуйся,

страстотерпцев непобедимая дерзосте. Радуйся, твердое веры утверждение; радуйся, светлое благодати познание. Радуйся, Еюже обнажися ад; радуйся, Еюже облекохомся славою. Радуйся, Невесто Невестная.

Кондак 5

Боготечную звезду узревше волсви, тоя последоваша зари и, яко светильник держаще ю, тою испытаху крепкаго Царя, и, достигше Непостижимаго, возрадовашася, Ему вопиюще: Аллилуиа.

Икос 5

Видеша отроцы халдейстии на руку Девичу создавшего рукама человеки, и Владыку разумевающе Его, аще и рабий прият зрак, потщашася дарми послужити Ему, и возопити Благословенней: Радуйся, Звезды незаходимыя Мати; радуйся, заре таинственного дне. Радуйся, прелести пещь угасившая; радуйся, Троицы тайники просвещающая. Радуйся, мучителя безчеловечнаго изметающая от начальства; радуйся, Господа Человеколюбца показавшая Христа. Радуйся, варварскаго избавляющая служения; радуйся, тмения изымающая дел. Радуйся, огня поклонение угасившая; радуйся, пламене страстей изменяющая. Радуйся, верных наставнице целомудрия; радуйся, всех родов веселие. Радуйся, Невесто Невестная.

Кондак 6

Проповедницы богонбнии бывше волсви, возвратишася в Вавилон, скончавше Твое пророчество, и, проповедавшие Тя, Христа, всем, оставиша Ирода, яко буесловна, не ведуща пети: Аллилуиа.

Икос 6

Воссиявый во Египте просвещение истины, отгнал еси лжи тьму, идоли бо его, Спасе, не терпяще Твоея крепости, падоша, сих же избавльшиися вопияху к Богородице: Радуйся, исправление человеков; радуйся, низпадение бесов. Радуйся, прелести державу поправшая; радуйся, идольскую лесь обличившая. Радуйся, море, потопившее фараона мысленнаго; радуйся, камению, напоивший жаждущия жизни. Радуйся, огненный столпе, наставляяй сущия во тьме; радуйся, покрове миру, ширший облака. Радуйся, пище, манны приёмнице; радуйся, сладости святыя служительнице. Радуйся, земле обетования; радуйся, из неяже течёт мед и млеко. Радуйся, Невесто Невестная.

Кондак 7

Хотящу Симеону от нынешняго века преставитися прелестнаго, вдаль еси яко Младенец тому, но познался еси ему и Бог совершенный. Темже удивися Твоей неизреченней премудрости, зовый: Аллилуиа.

Икос 7

Нóвую показá тварь, явлься Зйждитель нам от Него́ бывшим, из безсе́менныя прозяб утробы, и сохранив Ю, якоже бе, нетлénну, да, чúдо видяще, воспоём Ю, вопиюще: Рáдуйся, цвёте нетлénия; рáдуйся, вénче воздержáния. Рáдуйся, воскресénия образ облистáющая; рáдуйся, áнгельское житиé являющая. Рáдуйся, дре́во светлоплодовитое, от него́же пита́ются вёрнии; рáдуйся, дре́во благосеннолиственное, имже покрываются мнози. Рáдуйся, во чре́ве носящая Избáвителя пленénным; рáдуйся, рóждшая Настáвника заблúдшим. Рáдуйся, Судии Прáведнаго умолénие; рáдуйся, мно́гих согрешénий прощёние. Рáдуйся, одéжду нагíх дерзновénия; рáдуйся, любы́, всякое желáние побежда́ющая. Рáдуйся, Невéсто Неневéстная.

Кондак 8

Стра́нне рождество́ видевше, устрани́мся ми́ра, ум на небеса́ прелóбже: сего́ бо рáди высо́кий Бог на земли́ яви́ся смире́нный Чело́век, хотя́й привле́щи к высоте́ Тому́ вопию́щая: Аллилу́иа.

Икос 8

Весь бе в ни́жних и вы́шних ника́коже отступи́ неопи́санное Сло́во: снизхожде́ние бо Божéственное, не прехо́ждение же ме́стное бысть, и рождество́ от Дéвы Богоприя́тныя, слы́шащия сия́: Рáдуйся, Бо́га невместíмага вмести́лище; рáдуйся, честна́го та́инства двéри. Рáдуйся, невер́ных сумни́тельное слы́шание; рáдуйся, вёрных изве́стная похвало́. Рáдуйся, колесни́це пресвята́я Су́щаго на херувíмех; рáдуйся, селéние пресла́вное Су́щаго на серафíмех. Рáдуйся, противная в то́жде собра́вшая; рáдуйся, дéвство и рóждество сочетáвшая. Рáдуйся, Ею́же разреши́ся преступлénие; рáдуйся, Ею́же отвéрзся рай. Рáдуйся, ключу́ Ца́рствия Христо́ва; рáдуйся, наде́ждо благ вéчных. Рáдуйся, Невéсто Неневéстная.

Кондак 9

Вся́кое естество́ áнгельское удивíся вели́кому Твоего́ вочеловéчения де́лу; непристу́пнаго бо я́ко Бо́га, зря́ще всем присту́пнаго Чело́века, нам у́бо спребывáющая, слы́шаща же от всех: Аллилу́иа.

Икос 9

Ветии́ многовещáннии, я́ко рыбы́ безгласни́и, видим о Тебе́, Богороди́це, недоумева́ют бо глаго́лати, е́же ка́ко и Дéва пребыва́еши, и родити́ возмогла́ еси́. Мы же, та́инству дивя́щиеся, вёрно вопи́ем: Рáдуйся, премудрости́ Бóжия прия́телище; рáдуйся, промы́сления Его́ сокрови́ще. Рáдуйся, любомуд́рыя немуд́рыя явля́ющая; рáдуйся, хитрословéсныя безсловéсныя обличáющая. Рáдуйся, я́ко обу́яша лю́тии взыска́теле; рáдуйся, я́ко увядо́ша баснотворцы́. Рáдуйся, афинéйская плетéния растерза́ющая; рáдуйся, ры́барския мре́жи исполня́ющая. Рáдуйся, из глубины́ неведéния извлага́ющая; рáдуйся, мно́ги в ра́зуме просвещáющая. Рáдуйся, кораблю́ хотя́щих спасти́ся; рáдуйся, приста́нище житéйских пла́ваний. Рáдуйся, Невéсто Неневéстная.

Кондак 10

Спасти́ хотя мир, Иже всех Украситель к сему́ самообетова́н прииде и, Па́стырь сый, яко Бог, нас ра́ди яви́ся по нам челове́к: подобным бо подобное призва́в, яко Бог слы́шит: Аллилу́иа.

Икос 10

Стена́ еси́ девам, Богородице Де́во, и всем к Тебе́ прибега́ющим, и́бо небесе́ и земли Творе́ц устрои́ Тя, Пречистая, все́лся во утробе́ Твое́й, и вся приглаша́ти Тебе́ научи́: Ра́дуйся, сто́лпе де́вства; ра́дуйся, дверь спасе́ния. Ра́дуйся, нача́льнице мы́сленнаго назда́ния; ра́дуйся, пода́тельнице Божество́нныя бла́гости. Ра́дуйся, Ты бо обновила́ еси́ зача́тыя студи́ю; ра́дуйся, Ты бо наказа́ла еси́ окра́денныя умо́м. Ра́дуйся, тли́теля смы́слов упрядня́ющая; ра́дуйся, Се́ятеля чистоты́ рожда́шая. Ра́дуйся, черто́же безсе́меннаго уневе́щения; ра́дуйся, ве́рных Госпо́деви сочета́вшая. Ра́дуйся, до́брая младопита́тельница девам; ра́дуйся, невестокраси́тельнице душ святы́х. Ра́дуйся, Невесто́ Неве́стная.

Кондак 11

Пе́ние всякое побежда́ется, спростре́тися тща́щееся ко мно́жеству мно́гих щедро́т Твои́х: равночи́сленныя бо песка́ пе́сни а́ще прино́сим Ти, Царю́ Святы́й, ничто́же соверша́ем досто́йно, яже дал еси́ нам, Тебе́ вопию́щим: Аллилу́иа.

Икос 11

Светоприе́мную свещу́, су́щим во тме́ явля́ющуюся, зрим Святу́ю Де́ву; невестче́ственный бо вжига́ющи огонь, наставля́ет к ра́зуму Божество́нному вся, заре́ю ум просвеща́ющая, зва́нием же почита́емая, сими́: Ра́дуйся, лу́че у́мнаго Со́лнца; ра́дуйся, свети́ло незаходи́мага Све́та. Ра́дуйся, мо́лние, ду́ши просвеща́ющая; ра́дуйся, яко гром враги́ устраша́ющая. Ра́дуйся, яко многосве́тлое возсия́вшеи просвеще́ние; ра́дуйся, яко многотеку́щую источа́еши реку́. Ра́дуйся, купе́ли живопису́ющая о́браз; ра́дуйся, грехо́вную отъе́млющая скве́рну. Ра́дуйся, ба́не, омыва́ющая совесть; ра́дуйся, ча́ше, че́рплющая ра́дость. Ра́дуйся, обоня́ние Христо́ва благоуха́ния; ра́дуйся, животе́ та́йнаго весе́лия. Ра́дуйся, Невесто́ Неве́стная.

Кондак 12

Благода́ть да́ти восхоте́в, долго́в дре́вних, всех долго́в Решите́ль челове́ком, прииде́ Собо́ю ко отше́дшим Того́ благода́ти, и раздра́в рукописа́ние, слы́шит от всех си́це: Аллилу́иа.

Икос 12

Пою́ще Твое́ рождество́, хва́лим Тя вси, яко одушевле́нный храм, Богородице: во Твое́й бо всели́вся утробе́ содержи́ вся руко́ю Господь, освяти́, просла́ви и научи́ вопи́ти Тебе́ всех: Ра́дуйся, селе́ние Бо́га и Сло́ва; ра́дуйся, святая́ святы́х бо́льшая. Ра́дуйся, ковче́же, позлаще́нный Ду́хом; ра́дуйся, сокрови́ще живота́ неистощи́мое. Ра́дуйся, честный ве́нче люде́й благоче́стивых; ра́дуйся, честная́ похвало́ иере́ев благоговейных. Ра́дуйся, це́ркве непоколе-

бѣимый столбе; радуйся, Царствия нерушимая стено. Радуйся, Еюже воздвигнутся победы; радуйся, Еюже низпадают врази. Радуйся, тела моего врачевание; радуйся, души моея спасение. Радуйся, Невесто Невестная.

Кондак 13

О Всепетая Мати, рождающая всех святых Святѣйшее Слово! Нынешнее приеми приношение, от всякия избави напасти всех, и будущия изми муки, о Тебѣ вопиющих: Аллилуиа.


Этот кондак читается трижды, затем 1-й икос: «Ангел представитель...» и 1-й кондак: «Взбранной Воеводе...»

Молитвы

О Пресвятая Госпоже Владычице Богородице, выйши еси всех ангел и архангел, и вся твари честнейши, помощнице еси обидимых, ненадеющихся надеяние, убогих заступнице, печальных утешение, алчущих кормительнице, нагих одеяние, больных исцеление, грешных спасение, христиан всех поможение и заступление. О Всемилостивая Госпоже, Дево Богородице Владычице, милостию Твоею спаси и помилуй святѣйшия патриархи православныя, преосвященныя митрополиты, архиепископы и епископы и весь священнический и иноческий чин, и вся православныя христиане ризою Твоею честною защити; и умоли, Госпоже, из Тебѣ без семени воплотившагося Христа Бога нашего, да препояшет нас силою Своею свыше, на невидимыя и видимыя враги наша. О Всемилостивая Госпоже Владычице Богородице! Воздвигни нас из глубины греховныя и избави нас от глада, губительства, от труса и потопа, от огня и меча, от нахождения иноплемennых и междоусобныя брани, и от напрасныя смерти, и от нападения вражия, и от тлетворных ветр, и от смертоносныя язвы, и от всякаго зла. Подажь, Госпоже, мир и здравие рабам Твоим, всем православным христианом, и просвети им ум, и очи сердечнии, еже ко спасению; и сподоби ны, грешныя рабы Твоя, Царствия Сына Твоего, Христа Бога нашего; яко держава Его благословена и препрославлена со Безначальным Его Отцем и с Пресвятым и Благим и Животворящим Его Духом, ныне и присно и во веки веков. Аминь.

О Пресвятая Дево Мати Господа, Царице небес и земли! Вонми многоблезненному воздыханию душ наших, призри с высоты святые Твоя на нас, с верою и любовию покланяющихся пречистому образу Твоему. Се бо грехми погружаеми и скорбьми обуреваемы, взирая на Твой образ, яко живей Ти сущей с нами, приносим смиренныя моления наша. Не имамы бо ни иных помощи, ни иного представительства, ни утешения, токмо Тебѣ, о Мати всех скорбящих и обремененных. Помози нам немощным, утоли скорбь нашу, настави на путь правый нас, заблуждающих, уврачуй и спаси безнадежных, даруй нам прочее время живота нашего в мире и тишине проводить, подаждь христианскую кончину, и на Страшном Суде Сына Твоего явися нам милосердая Заступница, да всегда поем, величаем и славим Тя, яко благую Заступницу рода христианскаго, со всеми угодившими Богу. Аминь.

Акафист Успению Пресвятой Богородицы (празднование 15/28 августа)



Кондак 1

Избранной от всех родов Божией Матери и Царице, восходящей от земли к небесі, благоговейная пѣния о пречестнѣмъ Твоѣмъ успѣнии приносимъ рабѣ Твои, Богородице. Ты же, яко имущая побѣду надъ смѣртію, отъ всякихъ насъ смертоносныхъ бедъ свободи, да зовѣмъ Ти: Радуйся, Обрадованная, во успѣнии Твоѣмъ насъ не оставляющая.

Икос 1

Ангелъ предстатель посланъ бысть рещи Богородице ко премірнымъ Ея возше́ствие и приити предъявляше къ Ней Сы́ну Ея и Бо́гу, свѣтло о Ней блиста́ясь и стоя, зовы́й такова́я: Радуйся, прерадованная Ма́ти Царе́ва; радуйся, Небѣсная Цари́це, Ма́ти Бо́га и Го́спода небесе́ и земли. Радуйся, предпочтенная превеличествомъ пришествія къ Тебѣ Сы́на Твоего́ и Бо́га; радуйся, возвеличенная извещениемъ Твоего́ къ Сы́ну отше́ствия. Радуйся, отъ всехъ родовъ Бо́гомъ избранная; радуйся, свято́е вместилище́ Сло́ва Божія. Радуйся, пророческаго проречѣнія исполнѣние; радуйся, апосто́ломъ пречестный вѣнче. Радуйся, святи́телемъ украше́ние и священни́комъ добро́то; радуйся, правите́лемъ удобре́ние и держа́во. Радуйся, богому́дрыхъ ино́ковъ возведе́ние къ горне́му Ца́рствию; радуйся, отверза́ющая райскія двѣри христіа́нскому роду, при́сно Тя блажа́щему. Радуйся, Обрадованная, во успѣнии Твоѣмъ насъ не оставляющая.

Кондак 2

Видяще апóстолов лик, всесильным мановѣнием от конѣц земли на облацех представших ко пречестнóму Твоему, Пренепорóчная, успѣнию, священноначальницы: Дионíсий – небесный тайнник, Иерофѣй дивный и Тимофѣй с боголѣпною чѣстíю священства пояху Бóгу: Аллилуиа.

Икос 2

Разу́мная вся тварь, старѣйшая чиноначалíя а́нгельская приидóша со своим Царѣм, Иже во Своя́ живона́чальнейшия рúце дúшу Матере Своея́ прият; тёплый же véроу Петр со слезáми мно́гая к Ней изрече́, зовый: Ра́дуйся, ко премíрным, Мати Творца́ мíру, восходя́щая; ра́дуйся, к пренебесным, пространнейшая небес, взѣмлю́щаяся. Ра́дуйся, четверо́частное стихíй освятившая Твои́м восхожде́нием; ра́дуйся, небесных возвесели́вшая Твои́м прехо́жде́нием. Ра́дуйся, во Иерусали́м го́рний прекра́сный прия́тая; ра́дуйся, в нерукотворѣ́нные хра́мы прера́достно вше́дшая. Ра́дуйся, херувíмов и серафíмов Цари́це; ра́дуйся, арха́нгелов Влады́чице. Ра́дуйся, прибѣжи́ще ве́рных и избавле́ние; ра́дуйся, достоя́нию Твоему́ по́мощь и защи́щение. Ра́дуйся, о всем мíре христиа́нстем к Бóгу Ходата́ице; ра́дуйся, благвсѣ́ческих Всеблага́я Подáтельнице. Ра́дуйся, Обра́дованная, во успѣ́нии Твое́м нас не оставля́ющая.

Кондак 3

Си́ла Вы́шняго восхíти от Инди́и Фому́, за нѣкое изволе́ние Бóжие не прилу́чшуся ему́ в пречестно́е успѣ́ние Богоматере, и предпóстави живопрíемному Ея́ грóбу, иже, престáвльшуся принíк видети, уразуме́ вознесѣ́нную на небеса́ с тѣлом и, véровав, о сем возопí: Аллилуиа.

Икос 3

Име́я в себѣ помышле́ние учени́к, я́ко Бóжиим смотре́нием бе́ ему́ не обрести́ся ко прово́ждению Богоматере с прóчими вку́пе, обра́дован быв о безсме́ртнем Ея́ успѣ́нии, сiя́ вопи́яше к Ней: Ра́дуйся, восприѣ́млемая от земли́ длáньма Сы́на Твоегó; ра́дуйся, ко превы́шним возше́дшая наслажда́тися сла́вы Егó. Ра́дуйся, провожда́емая от всех чиноначалíй а́нгельских в Го́рняя; ра́дуйся, подъѣ́млемая херувíмы в небесная и наднебесная. Ра́дуйся, в небесных вратѣ́х от старѣ́йших сил велеле́пно пѣ́сньми возно́симая; ра́дуйся, от всех небесных гра́ждан окружа́емая и блажи́мая. Ра́дуйся, Не́бо земно́е, к го́рнему селѣ́нию возвы́шенное; ра́дуйся, Престо́ле Господень, от земли́ вознесѣ́нный в Цáрствие Небесное. Ра́дуйся, предста́тельство на́ше и крѣ́пкое заступле́ние; ра́дуйся, грѣ́шником Спорóчнице во спасѣ́ние. Ра́дуйся, христиа́ном Цари́це и по Бóже наде́ждо Небесна́го Цáрствия; ра́дуйся, Мати живото́а и по Гóсподе нам упова́ние жи́зни ве́чныя. Ра́дуйся, Обра́дованная, во успѣ́нии Твое́м нас не оставля́ющая.

Кондак 4

Бúрю́ внутрь име́я помышле́ний неве́рных евре́ин Аффо́ний, и зря́ богонóсными апóстолы Богоматере пречестно́е тѣ́ло всечѣ́стне ко грóбу несѣ́нное, ко опроверже́нию устре́-

мися; внезапу же, егда со ослеплѣнием бчию рѹце егѡ отъяте ко одрѹ прилеплѣне висясте, верою Матерь Божію исповѣдаше, вопия Богу: Аллилуѡа.

Икос 4

Слышавше тайнницы и самовидцы Слова ангелов, поющих превышними пѣсньми при погребѣнии богоприятнаго тѣла Божія Матере, и честь подати хотяще богоугѡдную, потщашася согласно пѣти, глаголюще: Радуйся, благовѣстие приѣмшая о прешѣствии Твоѣм в Гѡрнее Царствие; радуйся, от благовѣстившаго Гавриїла приѣмшая радостнаго раѡ вравіе. Радуйся, пречестное херувимское множество просветившая; радуйся, преславное серафимское естество возрадовавшая. Радуйся, от патриархов прообразованная; радуйся, от пророков предвозвѣщенная. Радуйся, злую дерзость Аффоніеву скоро отмстившая; радуйся, исцелѣние томѹжде подавшая. Радуйся, обратившая в веру Аффоніево неверіе; радуйся, верное того приѣмшая исповѣдание. Радуйся, возводящая к небесѡ любовь и веру к Тебѣ имѹщих; радуйся, спасающая верою імя Твое призывающих. Радуйся, Обрадованная, во успѣнии Твоѣм нас не оставляющая.

Кондак 5

Боготѣчныя звезды, апѡстолы святїи, в поднебѣсней разсѣянии ради Евѡнгелїя, восхищѣни быша на облацех, по широтѣ воздушней, ко погребѣнию Матере Господни, Юже пѣньми и пѣсньми провождающе, с невещественными зываху: Аллилуѡа.

Икос 5

Видевше боговидцы своего Владыку, в рѹце Матере Своеѡ дѹшу приѣмша, и Господа Того разумѣвше, потщашася священнословія пѣсньми благословне воспѣти Ю: Радуйся, Царїце, над всеми Царствующаго носившая; радуйся, и Самѡ рукама Егѡ сынѡвнима носимая. Радуйся, скиптре царский в Христовѡй десницѣ; радуйся, в рѹцѣ Нѡѡ вѣтве голубицы. Радуйся, жѣзле Аарѡнов, прозябший нетлѣние; радуйся, крїне неувядаѣмый, процвѣтший безсмертіе. Радуйся, Богоотца Давїда цевнице богодохновѣнная; радуйся, прорѡчества егѡ возставшая слово, псалтирю и гѹсли прекрасныя. Радуйся, одушевлѣнный святїни Господни кивѡте; радуйся, в покой Господень воскресший наш животѣ. Радуйся, скиїне, от херувимов осеняемая; радуйся, Святѡя святых, от серафимов глаголемая. Радуйся, Обрадованная, во успѣнии Твоѣм нас не оставляющая.

Кондак 6

Проповѣдницы богонѡснии апѡстолы, по отшѣствии ко премїрным Божія Матере во общем седѣнии обычныя трапѣзы бывше и предложѣние части хлѣба во імя Господне возносяще, внезапу свѣше Богорѡдицу Царїцу, пришедшую со светонѡсными ангелы, зряху и, мир тем от Сына и Бога подавшую слышавше, возгласїша о сем: Аллилуѡа.

Икос 6

Воссия нам Сѡлнце правды, Христѡс Бог от Твоїх пречїстых ложесн, волею и благоразѹмїем проповѣдания чрез апѡстолы мир просветї и Тя, Богоматерь, от рѡда и в род прослави. Тѣмже и мы вси ублажаем Тя, вопїюще Ти: Радуйся, присноблѡженная от всех

родов во веки; радуйся, благоутробная и милостивая на человеки. Радуйся, ученическому лику обещание исполнившая; радуйся, присещением Твоим от Сына Твоего и Бога мир тому подавшая. Радуйся, всежелательное святых и сладкое зрение; радуйся, преподобных матерей и дев святых всевеселящее радование. Радуйся, преходящая райское селение праведных; радуйся, посещающая всех во славе небесней сущих. Радуйся, начало человеческого спасения; радуйся, исполнение всех благих желаний. Радуйся, по Бозе, Царю царствующих, Богородице Царице; радуйся, по Господе господствующих, Владыце нашем, Госпоже и Владычице. Радуйся, Обрадованная, во успении Твоём нас не оставляющая.

Кондак 7

Хотящих всех с верою входить в храм Твой святой, Богородице, присно спасаеши и славящих Тя от всяких напастей и бед свободяеши; темже и благоверным людем, присноблагающим Тя, победы на сопротивныя даруй и вся ко спасению прошения нам подавай, о сем молящимся Тебе и поющим Богу: Аллилуиа.

Икос 7

Новую показа тварь, явлься нам, всех Творец Господь Тобю, Богородице. Ты же сродное промысление о нас к Немю имущи, честно почитающих пречестное Твое успение, приими сицевая Тебе вопиющих: Радуйся, Мати Богу, избранная от земных; радуйся, превышшая земных и небесных. Радуйся, херувимов и серафимов горе превозшедшая; радуйся, лик ученический облаком ко погребению Ти доле совокупляющая. Радуйся, Фому по погребении Твоём силою Божиею предпоставившая изряднее; радуйся, чрез него уверившая Твое на небо с плотию преселение. Радуйся, красотою всех добродетелей украшенная; радуйся, краснейшему паче сынов человеческих Сынови Своему сопричтенная. Радуйся, яко финикс, плотию воскресшею процветшая; радуйся, яко кедр в Ливане небесном, умножившаяся. Радуйся, древо животя, насажденное посреде рая превышняго; радуйся, ковчеже мысленный возвышенный в гоня от потопа смертнаго. Радуйся, Обрадованная, во успении Твоём нас не оставляющая.

Кондак 8

Странно в превышних ведуще Тя, Избранная, яко солнце, Владычице, внутрь пренебесных недомыслимых красот и неизреченных доброт, умильно к Сыну и Богу, дланьма Его держиму, возшедшую и прерадостно преклоняющуюся живоначальней Его деснице, о сем непрестанно вопием: Аллилуиа.

Икос 8

Вся бывши горе, к небесным взята и, земных не оставляючи, Богомати, рукама сыновними носима, в незаходимая вниде, во бный град всесветящий и прекрасный, Иерусалим вышний, херувимы обстоима со всеми Небесными Силами, идеже слышит поющих сия: Радуйся, Еяже пресвятая душа в вышнем всесветлом Сионе вселяется; радуйся, Еяже и нетленное тело таможде с душею купно прославляется. Радуйся, вшедшая в престольный град Самаго Вседержителя; радуйся, вознесшаяся в прекрасный рай Вышняго Насадителя. Радуйся, пренесенная во град, основанный от камней всесветящих; радуйся, введенная во ограду, обстоймую вои сил превышних. Радуйся, превышше небес во благолепии Божие взятая; радуйся, паче всех невестственных умов почтенная. Радуйся, приносящая к Сыну Своему и Богу моление вер-

ных; радуйся, и Самá непрестáнно у Престо́ла Сы́на Твоего́ и Бо́га моля́щаяся о всех. Рáдуйся, Предста́тельнице к Бо́гу, мир спаса́ющая; радуйся, Засту́пнице, ро́ду христиа́нскому от Бо́га дарова́нная. Рáдуйся, Обра́дованная, во успéнии Твое́м нас не оставля́ющая.

Кондак 9

Всякое естество́ а́нгельское превозно́сит Тя, Богоро́дице, челове́честии же ро́ди вси Ма́терь Тя Бо́жию сла́вим и почита́ем пречестно́е Твое́ успéние, Цари́це: Тебе́ бо ра́ди земни́и небéсным совокупля́ются, согла́сно пою́ще Бо́гу: Аллилу́иа.

Икос 9

Ветийства боговещáнных прорóческих речéний ны́не зрим о Тебе́ сбыв́шаяся, Бого-ро́дице, я́ко войстину́ Бо́га плóтию родила́ еси́ нам. Тёмже та́инству словесé Бо́жия веру́юще, вопи́ем: Рáдуйся, за́кона и прорóков главизно́ совершенная; радуйся, звездó Иа́ковля, Вала́амом пророкова́нная. Рáдуйся, о́дре Царя́ Вели́каго, вещáнный Соло́моном; радуйся, рунó, ороше́нное Иису́сом, образова́нное Геде́ном. Рáдуйся, Неопали́мая Купи́но, законополо́жником предзрима́я; радуйся, горó святáя, му́жем жела́ния усмотрéнная. Рáдуйся, ле́стнице небéсная, Иа́ковом предвиди́мая; радуйся, двéре непроходи́мая, Иезеки́илем предзрима́я. Рáдуйся, со́лнце селéния Христо́ва, псалмопéвцем предьяв́ленное; радуйся, та́инство, многообра́зне прорóки пронарече́нное. Рáдуйся, прорóческих глаго́л всех, предрече́нных о Тебе́, ко́нec при-не́сшая; радуйся, Вы́шняго смотре́ния вся за спасéние ми́ра совершив́шая. Рáдуйся, Обра́дованная, во успéнии Твое́м нас не оставля́ющая.

Кондак 10

Спаси́ хотя́ мир, Иже всех Госпо́дь от земна́го Тя ро́да избра́ в Ма́терь Себе́ и, нас ра́ди быв челове́к, взы́де, отню́ду же снйде, к небеси́ от земли́, и Тебе́ с Собо́ю возведе́ ко пребыва́нию во сла́ве вéчней и соца́рствованию с Собо́ю, ко́нца не иму́щему. Тёмже, я́ко Бог, слы́шит от всех: Аллилу́иа.

Икос 10

Стена́ еси́ ве́рным, Богоро́дице Де́во, и заступле́ние всем, к Тебе́ прибега́ющим, и́бо небесé и земли́ Творе́ц, от Тебе́ плóтию проше́д, Пречи́стая, ду́хом и те́лом в небéсная Тя пре-сели́, ко ближай́шему предста́тельству о всех, ихже приглаша́ти научи́: Рáдуйся, гра́де Царя́ Вели́каго верху́ горы́ небéсныя; радуйся, стено́ и покрóве, не кры́ющийся от на́шего прите-ка́ния. Рáдуйся, ве́рным на враги́ посóбствующая; радуйся, нашéствия ага́рянская побежда́ющая. Рáдуйся, ве́ры благочестивы́я недви́жимое сохра́нение; радуйся, ерети́чествующих полко́в разорéние. Рáдуйся, ра́дость и умире́ние ми́ру су́щая; радуйся, всегуби́тельного а́да попра́вшая. Рáдуйся, воинствующих на плоть целому́дрием изря́дное венча́ние; радуйся, му́ченических по́двигов всечестно́е прославлéние. Рáдуйся, преподо́бных трудо́м Хода́таице блаже́ннаго упо-ко́ения; радуйся, ино́ком благоскорбя́ющим Подáтельнице вéчнаго ра́дования. Рáдуйся, Обра́дованная, во успéнии Твое́м нас не оставля́ющая.

Кондак 11

Пѣние всякое богодухновенных пѣсней не довлѣет от нас ко похвалѣ всечестнаго успѣния Твоего, всехвальная Владычице, Царице Богородице, но усердно Тебѣ приносим, яко Матери Царя всех, смиренное молѣние наше, с небесными чинми поюще единому достойно прославляющему Тя Богу: Аллилуиа.

Икос 11

Светопріемная свеща истиннаго Свѣта сущим нам на земли явльшися, души просвѣщаеши и чтущих Твое всечестное преставленіе к разуму божественному наставляеши, да поем Ти сичевая: Радуйся, свеще неугасимая огня невещественнаго; радуйся, заре незаходямая Свѣта невечерняго. Радуйся, лунѣ, от Солнца правды облистываемая; радуйся, свѣтлосте, во тьме светящая. Радуйся, светильниче, на свѣщнице превышнем поставленный; радуйся, источниче жизни, из грѣба во свет изведенный. Радуйся, Мати Свѣта умнаго, благочестивых души просвѣщающаго; радуйся, Мати всех Бога, озлобленных души утѣшающаго. Радуйся, уповающим на Тя живота конец непостыдный дарующая; радуйся, достояніе Божиим и Своим рабѣм на Судѣ Сына Твоего одесную Его устрояющая. Радуйся, Преплаженная, яко Тобою блажени есмь и мы, иже Помощницу Тя имамы; радуйся, Преплагословенная в род и род, яко Господь с Тобою, и Тобою с нами. Радуйся, Обрадованная, во успѣнии Твоем нас не оставляющая.

Кондак 12

Благодать высокопрестольныя славы, на небесѣх дарованную Богоматери, почтенной седѣніем одесную Сына Ея и Бога видяще горнии умы, подъяша Ю престолы и силы, окружиша начала и власти, припадѣша страшнии херувими, серафими и господства, со архангелы и ангелы вопиюще: Аллилуиа.

Икос 12

Покорно всечестное Твое успѣние, восхваляем вси ко пренебесным возшествіе Твое, Царице Богомати. Ты же освяти, прослави и спаси всех, любовию поющих Тебѣ: Радуйся, очистившая землю пречистыми ног Твоих стопами; радуйся, освятившая воздух восхожденіем Твоим к небесѣм. Радуйся, на небесный круг возступившая; радуйся, вся доброты неизреченныя зрящая. Радуйся, во славе присѣдающая Престолу Сына Твоего и Бога; радуйся, с Сыном и Богом вѣчно царствующая. Радуйся, красотѣ в деснице Господней, украшающая блажащих Тя всех небесных; радуйся, обрадовавшая надеяніем на Тя всех земных. Радуйся, облеченная в солнце, сияющая благодатию и славою всей вселенней; радуйся, обещававшая сохранити и спасти призывающих Тя всех в поднебесней. Радуйся, от христіанских родов Мати Божия почитаемая и Богородица именуемая; радуйся, от восток солнца до запад преславно и православно от всех благочестивых славимая. Радуйся, Обрадованная, во успѣнии Твоем нас не оставляющая.

Кондак 13

О Всепетая Мати Безсмертнаго Царя небесѣ и земли, Христа Бога нашего, живущая и по смерти, нынешняя приношенія о всечестном Твоем успѣнии от нас приѣмши, в жизни сей и

в смертном успении нашем от всякия напасти, бед и муки избави и Небеснаго Царствия нас, Царице, сподоби, о Тебе вопиющих: Аллилуиа.

Этот кондак читается трижды, затем 1-й икос: «Ангел представитель...» и 1-й кондак: «Избранной от всех родов...»

Молитва

О Пресвятая Богородице Дево, Владычице, вышшая ангел и архангел и всея твари честнейшая, ангельское великое удивление, пророческая высокая проповедь, апостольская преславная похвало, святителей изрядное украшение, мучеников крепкое утверждение, иноков спасительное наставление, постников неизнемогающее воздержание, девиствующих чистото и славо, матерей тихое веселие, младенцев мудросте и наказание, вдовиц и сирых кормительнице, нагих одяние, болящих здравие, пленников избавление, по морю плавающих тишино, обуреваемых небурное пристанище, блуждающих нетрудная наставнице, путешествующих легкое прохождение, труждающихся благое покое, в бедах сущих скорая Заступнице, обидимых покрове и прибежище, ненадеющихся надеяние, требующих Помощнице, печальных присное утешение, ненавидимых любовное смирение, грешников спасение и к Богу присвоение, правверных всех твердое ограждение, непобедимое поможение и заступление! Тобою нам, Владычице, Невидимый видим бысть, и Тебе мольбу приносим, Госпоже, грешнии раби Твои: О Премилостивая и Пречудная Света умнаго Царице, рождающая Царя Христа, Бога нашего, Живодавца всех, от небесных славимая и от земных хвалимая, ангельский уме, светозарная звезд, святых Пресвятейшая, Владычице всех тварей, Боголепная, Нескверная Невесто, палато Духа Пресвятаго, огненный Престол Невидимаго Царя, небесный кивоте, носило Слова Божия, огнеобразная колеснице, покое живаго Бога, неизреченное составление плоти Христовы, гнездо Орла Небеснаго, Горлице Богогласная, Голубице короткая, тихая и незлобивая, Мати чадолюбивая, милостей бездно, развергающая тучу гнева Божия, неизмеримая глубино, неизреченная тайно, несведомое чудо, нерукотворенная Церкви Единого Царя всех век, благоуханное кадило, честная багрянице, боготканная порфиоро, душевный рай, животносаго сада отрасли, цвете прекрасный, процветший нам небесное веселие, гробе спасения нашего, чаше Царя Небеснаго, в нейже растворися от Духа Святаго вино неисчерпаемая благодати, Ходатаице закона, зачало истинныя веры Христовы непоколебимый столпе, мечу ярости Божия на богопротивных, бесов устрашение, во бранех побеждение, христиан всех неложная Хранительнице и мира всего известное спасение!

О Всемиловитая Госпоже, Дево Владычице, Богородице, услыши нас, молящихся Тебе, и яви милость Твою на людех Твоих, моли Сына Своего избавитися нам от всякаго зла и сохрани обитель нашу и всяку обитель, и град, и страну верных, и люди, благочестно прибегающие и призывающие имя Твое святое, от всякия напасти, губительства, глада, труса, потопы, огня, меча, нашествия иноплемеников и междоусобных брани, от веяния болезни и всякаго обстояния: да ни ранами, ни прещением, ни мором, ни всяким гневом Божиим умалятся раби Твои. Но соблюдай и спасай милостию Своею, Госпоже, за ны молящихся, и полезное благорасположение воздуха во времени плоднаго приношения нам даруй. Облегчи, возстави и помилуй, Премилостивая Владычице, Богородице препетая, во всякой беде и нужде сущия. Помани рабы Твоя и не презри слез и воздыхания нашего, и обнови нас благостию Своея милости, да со благодарением утешаемся, обретше Тя Помощницу. Умилосердися, Госпоже Пречистая, на немощныя люди Твоя, надеждо наша. Разсѣянные собери, заблудшия на путь правый настави, отпадшия от благочестивыя отеческия веры паки возврати, старость поддержи, юныя вразуми, младенцы воспитай и прослави славящая Тя, изряднее же – Церковь Сына Твоего соблюди и сохрани в долготу дней. О Милостивая и Премилостивая Царице небес и земли, Богородице Приснодево! Ходатайством Твоим помилуй страну нашу и воинство ея и вся православныя

христиа́ны, сохраня́ющи их под кро́вом ми́лости Твое́я, ри́зою Твое́ю честно́ю защи́ти и моли́ из Тебе́ воплоща́гося без се́мене Христа́ Бо́га на́шего, да препоя́шет ны свы́ше си́лою на вся ви́димыя и неви́димыя враги́ на́ша. Спаси́ же и поми́луй, Госпоже́, Вели́каго Господи́на и Отца́ на́шего Кири́лла, Святе́йшего Патриа́рха Моско́вского и все́я Руси́, преосвяще́нныя митропо́литы, архиепи́скопы и епи́скопы правосла́вныя, иере́и же и диа́коны и весь причет церковный, и весь мона́шеский чин, и вся право́верныя лю́ди, поклоня́ющияся и моля́щияся пред честно́ю Твое́ю ико́ною. Призри на всех нас призре́нием ми́лостивнаго Твоего́ заступле́ния, воздвигни нас из глубины́ грехо́вныя и просвети́ очи́ серде́чныя ко зрѣ́нию спасѣ́ния, ми́лостива нам бу́ди zde и на Стра́шнем Судѣ́ Сы́на Твоего́ о нас умоли́, предста́вльши́ся во благо́честии от жити́я сего́ рабы́ Твоя́ в вѣ́чной жи́зни со а́нгелы и арха́нгелы и со все́ми святы́ми причти́, да одесну́ю Сы́на Твоего́ Бо́га предста́нут, и моли́твою Твое́ю сподоби́ вся правосла́вныя христиа́ны со Хри́стом жи́ти и ра́дости а́нгельския в небе́сных селѣ́ниях наслажда́тися. Ты бо еси́, Госпоже́, сла́ва небе́сных и упова́ние земных, Ты на́ша наде́жда и Засту́пница всех притека́ющих к Тебе́ и Твое́я святы́я по́мощи прося́щих. Ты моле́бница на́ша те́плая к Сы́ну Твоему́ и Бо́гу на́шему. Твоя́ ма́терняя моли́тва мно́го мо́жет на умоле́ние Вла́дыки, и Твои́м предста́тельством ко престолу́ благода́ти Пресвяты́х и Животворя́щих Егó Таин приступа́ти дерза́ем, а́ще и недостой́нии. Те́мже всечестный́ о́браз Твой и руко́ю Твое́ю держа́мага Вседержи́теля ви́дяще на ико́не, раду́емся, грѣ́шнии, со умилѣ́нием припада́юще, и любви́ю сей целу́ем, ча́юще, Госпоже́, Твои́ми святы́ми богоприятными моли́твами дойти́ небе́сныя безконѣ́чныя жи́зни и непосты́дно ста́ти в день судный одесну́ю Сы́на Твоего́ и Бо́га на́шего, сла́вяще Егó кúпно со Безнача́льным Отце́м и Пресвяты́м, Благо́им, Животворя́щим и Единосу́щным Ду́хом, во вѣ́ки веко́в. Ами́нь.

Акафист Покрову Пресвятой Богородицы (празднование 1/14 октября)



Кондак 1

Избранней Предвечным Царём, превышшей всякого создания небесё и земли Царице, пришедшей иногда во Влахёрнскую церковь на молитву, достойное поклонение с благодарением приносяще, яко во тьме сущии, под Твой светящийся омофор с верою и умилением прибегаем. Ты же, яко имущи державу непобедимую, от всяких нас бед свободдай, да зовём Ти: Радуйся, Радосте наша, покрый нас от всякого зла честным Твоим омофором.

Икос 1

Архангел и ангел множество, со Предтечею, Богословом и всех святых ликом, сопредсташа Тебе, Царице своей, в церкви Влахёрнстей и, умиленная моления Твоя о всем мире слышавше, со удивлением возопиша таковая: Радуйся, Бога Отца безначального предвечное благоволение; радуйся, Бога Сына безлетного пречистое вместилище. Радуйся, Бога Духа Всесвятаго избранное жилище; радуйся, горних чинов ангельских непрестанное удивление. Радуйся, тёмных сил адских всегрозное устрашение; радуйся, Юже на воздухе сретают многоочитии херувими. Радуйся, Ейже похвальная восписуют шестокрилатии серафими; радуйся, Еяже преблагому покрову и мы, земнороднии, благодарне поклоняемся. Радуйся, Радосте наша, покрый нас от всякого зла честным Твоим омофором.

Кондак 2

Видевше Тя святой Андрей со Епифанием в церкви на воздухе за христиан Богом молящуюся, познаша, яко Матерь еси вознесшагося на небо Христа Бога нашего, и, припадше на землю, радостно покланяхся всеблагодарному покрову Твоему, зовуще: Аллилуиа.

Икос 2

Разум неуразуменен еси, Богородице Дево, в заступлении людей православных, сего ради вразили наши не познают, коль сильна есть молитва Божия Матере. Мы же, о Твоем всемогущем заступлении добре ведуще, сие к Тебе со умилением зовем: Радуйся, милосердая Утешительнице всех скорбящих и обремененных; радуйся, неусыпающая Наставнице всех заблуждших и ослепленных. Радуйся, праведно движимый гнев Божий на нас Твоим молением скоро утешающая; радуйся, злая страсти наша всемогущим мановением укрощающая. Радуйся, крепкое возбуждение спящих совестей; радуйся, нетрудное преодоление беззаконных навыков. Радуйся, Еяже ради ад стenet и души злобы трепещут; радуйся, Еяже ради врата рая всем нам отверзаются. Радуйся, Радосте наша, покрый нас от всякого зла честным Твоим омофором.

Кондак 3

Сила Вышнего осеняет с верою и благоговением прибегающих к Твоему всечестному покрову: единой бо точию Тебе, Пресвятей и Пречистой Матери Божией, дадеся, да всякое прошение Твое исполнится. Тем убо всяк возраст верных славословит Тя и Сына Твоего, зовущ: Аллилуиа.

Икос 3

Имуще богатство милосердия неоскудное, всем концем земли простираеши руку помощи, Владычице: болящим исцеление, страждущим ослабу, слепым прозрение и всем вся по коегождо потребности подавши, благодарне вопиющим: Радуйся, Православия несокрушимая крепость и оградо; радуйся, святых храмов и олтарей первейшее украшение. Радуйся, благочестия вернейшее ограждение; радуйся, благосердых градоправителей неусыпающая Спешнице. Радуйся, непобедимая Воеводо вождей и воинств христианских; радуйся, святое зеркало правды судиям немздоприимным. Радуйся, совершенный разум наставников и детоводителей; радуйся, благословение домов и семейств благочестивых. Радуйся, Радосте наша, покрый нас от всякого зла честным Твоим омофором.

Кондак 4

Бурею многих бед одержимым нам помогаеши, Владычице: стояши бо пред лицом олтаря Господня воздвигши руки Твои, и молишися, яко да нашу недостойную молитву призрит Господь, Царь Славы, и послушает прошения призывающих имя Твое святое, к Сыну же Твоему зовущих: Аллилуиа.

Икос 4

Услыша Господь Бог Иисуса Навина, молящаяся и повелевающая солнцу стати, дондеже отмстит врагом. Слышит и Твоя ныне моления Господь Иисус, избранная палато Духа Святаго. Темже и мы, грешнии, на Твой надеющиеся покров, Тебе, яко Божией Матери, глаголати дерзаем: Радуйся, от Солнца мысленного озаренная и нас светом незаходимым просвещающая; радуйся, сиянием пречистых душ Твоея всю землю просветившая. Радуйся, чистотою телесе Твоего вся небеса возвеселившая; радуйся, святых обителей Христовых покров и снабдение. Радуйся, верных пастырей Церкви бодрость и вразумление; радуйся, богобоязненных иноков и инокинь Наставнице. Радуйся, невозмущаемое успокоение благоговейных старцев; радуйся, тайное веселие чистых дев и вдовиц. Радуйся, Радосте наша, покрый нас от всякаго зла честным Твоим омофором.

Кондак 5

Боговидец Моисей во ополчении иногда на Амалика, егда рuce воздвизаше, Израиль одолеваше, егда же рuce низпускаше, тогда Амалик побеждаше, поддерживающими же его укреплен, победи врага. Ты же, о Богомати, воздвиги рuce Твой на умоление, аще и никимже поддержи́ма, всегда побеждаеши враги христианския и нам щит еси непобедим, вопиющим: Аллилу́иа.

Икос 5

Видевше Тя святых собори на воздусе в церкви Влахернстей молебнии рuce к Сыну и Богу простирающую, радостно со архангелы и ангелы благодарную Ти песнь воспева. Мы же, крепчайшими, паче Моисеевых рук, дланьма Твоима укрепляеми, умильно вопием: Радуйся, Еяже рuce поддержит за всех нас единая Ея к нам любви и милосердие; радуйся, пред Неюже врази наши, видимии и невидимии, стояти не могут. Радуйся, темное полчище страстей и похотей наших прогоняющая; радуйся, Огнь Божественный – Христа неопально на руку Свою держащая и нас, хладных, тем воспламеняющая. Радуйся, воинствующих на плоть целомудрием изрядное венчание; радуйся, подвизающихся в посте и безмолвии присное собеседование. Радуйся, изнемогающих от уныния и печали скорая Утешительнице; радуйся, благодатию смирения и терпения снабдающая. Радуйся, Радосте наша, покрый нас от всякаго зла честным Твоим омофором.

Кондак 6

Проповедник неоскудеваемая благодати и милостей Твоих явися святой Роман Сладкопевец, егда от Тебе во сне прият свиток книжный на снадение: тем убо умудрен нача разумно пети во славу Твою, святым же писати похвальная, взывая с верою: Аллилу́иа.

Икос 6

Воссияла еси от истинного Солнца правды заря, Дево Богоотроковице, просвещающая всех премудростию Бога Сына Твоего и в познание истины приводящая зовущих Ти такую: Радуйся, Божию Силу и Божию Премудрость – Христа плотию породившая; радуйся, юродивую мудрость века сего посрамившая и ослепленных ею на путь правый наставляю-

щая. Рáдуйся, святыя веры охранение и православных догматов Настáвнице; рáдуйся, нечестивых ересей и тлетворных расколов Искоренительнице. Рáдуйся, тайная и неудобь предвиденная вся добре ведущая и имже подобает сказующая; рáдуйся, лживых провидцев и суетная гадания посрамляющая. Рáдуйся, в час недоумений мысль благу на сердце полагаящая; рáдуйся, от пагубных начинаний и несмысленных пожеланий воспящая¹. Рáдуйся, Рáдосте наша, покрый нас от всякаго зла честным Твоим омофором.

Кондак 7

Хотяй долготерпеливый Всевидец Господь явити Своего человеколюбия неизследимую щедрот бездну, избра Тебе едину в Матерь Себе и сотвори Тя людем непреодоленное заступление: да еще кто от них и праведным судом Божиим осуждения достоин явится, Твоим обаче державным покровом сохраняется на покаяние, зовый: Аллилу́иа.

Икос 7

Дивная показал еси дела Твоя в Пречистой Матери Твоей, Господи, егда пречудный омофор в руке Ея светящийся паче луч солнечных явился, имже покрываше люди, сущия в церкви Влахернстей. О таком же убо знамении милосердаго Ея заступления услышавше, ужасом и радостью одержими, вси глаголаху: Рáдуйся, нерукотворенный омофор, аки облак, над всем миром распростершая; рáдуйся, превечнаго Архиерея, Сына Своего, знамение на руке Своей держащая. Рáдуйся, новую милость и новую благодать сим в Церкви Православней являющая; рáдуйся, столпе облачный от искушений и соблазнов мира всех нас покрывающий. Рáдуйся, столпе огненный, среди мглы греха всем нам путь спасения показующий; рáдуйся, явных благочестия подвижников явное укрепление. Рáдуйся, тайных среди мира рабов Божиих тайное вразумление; рáдуйся, и мене, обнаженного добрых дел, не оставляющая Своим покровом и благодатью. Рáдуйся, Рáдосте наша, покрый нас от всякаго зла честным Твоим омофором.

Кондак 8

Дивно Ты от небес во Влахернстей церкви являшущая ангели воспеша, апостолы прославиша, лик святителей и преподобных и жен святых сословие восхвалиша, Предтеча с Богословом поклонися, людие же, сущии в церкви, с веселием вопияху: Аллилу́иа.

Икос 8

Всеми вышними и нижними владычествуя Господь, узрев Тя в церкви Матерь Свою стоящую и со умилением к Нему молящуюся, рече: Проси, Мати Моя, зане не отвращу Тебе, но исполню вся прошения Твоя и благодарственная сице Тебе всех пети научу: Рáдуйся, ковчеже завета, в немже хранится освящение всего рода человеческого; рáдуйся, ста́мно² пресвятая, в нейже алчущим правды блюдетсЯ Хлеб жизни вечныя. Рáдуйся, сосуде всезлатый, в немже уготовася нас ради плоть и кровь Божественнаго Агнца; рáдуйся, оставленных врачами на свой всеобщныя руке приемлющая. Рáдуйся, расслабленных телом, но не духом и верою, со одра болезни воздвизающая; рáдуйся, погубляющим от недуга ум новый и лучший смысл подающая.

¹ Воспящая отводящая.

² Ста́мна – сосуд.

Рáдуйся, на стрóпотнем пути́ грехá и стрáстей нас премудре запи́нающая; рáдуйся, жестóкость нераскáянного сéрдца нáшего умиляющая. Рáдуйся, Рáдосте нáша, покрый нас от всякаго зла честным Твоим омофóром.

Кондак 9

Все естество́ а́нгельское похва́льная прино́сит Тебе́, и́стинней Бóжией Мáтери и Засту́пнице всех притека́ющих к Тебе́, ве́дуще, я́ко несокруши́мым покрóвом Твоим пра́ведных возвеселя́ши, грéшных заступа́еши, бéдствующих избавля́еши и мо́лишися о всех ве́рных, зову́щих: Аллилу́иа.

Икос 9

Ветии́ многовещáннии, я́ко ры́бы безгласни́и, недоуме́ют, ка́ко восхвалити́ по достоиню́ вели́кий всечестна́го Покрóва Твоегó прáздник: вся бо о Тебе́ от них глаго́лемая не суть дово́льна к еди́ному исчислени́ю щедро́т Твои́х. Мы же, Твоя́ неисче́тная благоде́яния ви́дяще, с весели́ем взывáем: Рáдуйся, от я́звы и всегуби́тельства сме́ртнаго нас соблюда́ющая; рáдуйся, от внеза́пнаго колеба́ния земли́ гра́ды и ве́си сохраня́ющая. Рáдуйся, от разли́яния вод и потопле́ния руко́ю кре́пкою возводя́щая; рáдуйся, от запале́ния о́гненнаго росóю моли́тв Твои́х избавля́ющая. Рáдуйся, от гла́да душе́внаго и теле́снаго Хле́бом жи́зни снабдева́ющая; рáдуйся, уда́ры мо́лнии и гро́ма от главы́ нáшея отводя́щая. Рáдуйся, от наше́ствия инопле́мник и тайных уби́йц спаса́ющая; рáдуйся, от дома́шния бра́ни и вражды́ единокрóвных миром и любóвию огражда́ющая. Рáдуйся, Рáдосте нáша, покрый нас от всякаго зла честным Твоим омофóром.

Кондак 10

Спасти́ хотя́й род челове́ческий от преле́сти вра́жия Чело́веколюбе́ц Госпо́дь Тебе́, Мáтерь Свою́, дарова́ земным нам в по́мощь, покрóв и защи́ту, да бу́дeshи печальным утеше́ние, скорбя́щим ра́дование, оби́димым Засту́пница и да всех из глубины́ грехо́вныя воздвигнеши, пою́щих: Аллилу́иа.

Икос 10

«Царю́ Небе́сный, – глаго́лаше в моли́тве на возду́се со а́нгелы стоя́щая всенепоро́бная Цари́ца, – приими́ всякаго чело́века, моля́щася к Тебе́ и призыва́ющая и́мя Моё́ на по́мощь, да не оты́дет от ли́ка Моегó тощ и неуслы́шан». Сию́ всеблагую́ моли́тву слы́шавше, собóри святы́х благода́рно возопи́ша: Рáдуйся, чи́стых рука́ми и сéрдцем земледе́льцев благослове́нными пло́дами венча́ющая; рáдуйся, по́моще и пра́ведное мздовозда́ние всем пра́во куплю́ де́ющим. Рáдуйся, клятвопреступле́ний и непра́ведных стяжа́ний всена́родное обли́чение; рáдуйся, бéдствующим в пути́, на су́ше и вода́х внеза́пное вспомо́жение. Рáдуйся, безча́дных родите́лей пло́дами ве́ры и ду́ха веселя́щая; рáдуйся, безма́терних сирóт незри́мая Воспита́тельница. Рáдуйся, кре́пкая Засту́пнице су́щих в плену́ и изгна́нии; рáдуйся, неусыпа́ющая Попечи́тельница во у́зах и темни́це сидя́щих. Рáдуйся, Рáдосте нáша, покрый нас от всякаго зла честным Твоим омофóром.

Кондак 11

Пѣние всеумилѣнное слышаще и теплей Твоей молитве о нас внемлюще, прѣбим Тебѣ, Дѣво Богородице, не прѣзри гласа рабѣв Твоих: к Тебѣ бо в напѣстех и скорбех прибегаем и пред Тобою в бѣдахъ нашихъ слѣзы проливаемъ, зовуще: Аллилуѣа.

Икос 11

Яко светоприѣмную свещу, в молитве горящую, видящи Тя на воздусѣ Влахѣрнская цѣрковь, согласно со множествомъ людѣй, в ней бывшихъ, возглашаше: «Откуда мне сие, да прииде Мати Господа моего ко мне?» Святый же Андрей со Епифаніемъ тепле моляхуся к Тебѣ, зовуще: Радуйся, всехъ дарѣвъ духовныхъ и телесныхъ незавѣстная Подательнице; радуйся, полагающихъ начало покаянія грѣшниковъ вѣрная Предстательнице. Радуйся, борющихся со страстьми и прилогами вражиими всегдашняя Споборнице; радуйся, незримое укрощѣние владыкъ жестокихъ и зверонравныхъ. Радуйся, тайный покое и отрадо рабѣв кроткихъ и страждущихъ; радуйся, всежеланное совершѣние благихъ супружествъ. Радуйся, матерей детородящихъ скорое и безболѣзненное разрешѣние; радуйся, в часъ кончины единая всемъ намъ Помощнице. Радуйся, Радосте наша, покрый насъ отъ всякаго зла честнымъ Твоимъ омофоромъ.

Кондак 12

Благодать Божественную испроси намъ у Сына Твоего и Бога, простри намъ руку помощи, отжени отъ насъ всякаго врага и супостата и умири нашу жизнь, да не погибнемъ люте безъ покаянія, но приими насъ въ вѣчныя крѣвы, Покровительнице наша, да радующеся Тебѣ зовѣмъ: Аллилуѣа.

Икос 12

Поюще Твой державный покровъ, хвалимъ Тя вси, яко твердую Предстательницу нашу, и покланяемся Тебѣ, о насъ молящейся: веруемъ бо и надѣемся, яко испросиши у Сына Твоего и Бога благая вѣчная и временная всемъ с любовью вопиющимъ Тебѣ сѣце: Радуйся, всей вселенней крѣпкое заступлѣние; радуйся, всехъ стихійъ земныхъ и небесныхъ освящѣние. Радуйся, всехъ временъ года благословѣние; радуйся, всехъ наветовъ и искушѣний, отъ міра, плоти и діавола находящихъ, поправление. Радуйся, нечаемое примирѣние ожесточенно враждующихъ; радуйся, недовѣдомое исправлѣние нераскаянныхъ грѣшниковъ. Радуйся, не отвергающая всеми презренныхъ и отверженныхъ; радуйся, самихъ отчаянныхъ отъ рова погибели исхищающая. Радуйся, Радосте наша, покрый насъ отъ всякаго зла честнымъ Твоимъ омофоромъ.

Кондак 13

О Всепетая Мати, Пречистая Госпоже, Дѣво Богородице! К Тебѣ возвожду душевные и телесныя очи, к Тебѣ простираю разслабленныя руки и из глубины сердца вопию: призри на веру и смиреніе души моея, покрый мя всемошнымъ омофоромъ Твоимъ, да избавлюся отъ всехъ бедъ и напѣстей, и в часъ кончины моея, о Всеблагая, предстани мне и уготованнаго ради грѣховъ моихъ избави мучѣнія, да выну покланяясь зову: Аллилуѣа.


Этотъ кондакъ читается трижды, затемъ 1-й икосъ «Архангелъ и ангелъ множество...» и 1-й кондакъ «Избранней Предвѣчнымъ Царемъ...»

Молитва³

О Пресвятая Дѣво, Мати Господа вышних сил, небесѣ и земли Царѣце, града и страны нашаѣ всемошная Заступнице! Прими хвалебноблагодарственное пѣние сие от нас, недостойных раб Твоих, и вознеси молитвы наша ко Престолу Бога Сына Твоего, да милостив будет неправдам нашим и пробавит благодать чтущим всесечноѣ имя Твое и с вѣрою и любовью поклоняющимся чудотворному образу Твоему. Несмы бо достойны от Него помиловани быти, аще не Ты умилостивиши Его о нас, Владычице, яко вся Тебѣ от Него возможна суть. Сего ради к Тебѣ прибегаем, яко к несомненной и скорой Заступнице нашей: услыши нас молящихся Тебѣ, осени нас вседержавным покровом Твоим и испроси у Бога Сына Твоего пастырем нашим ревность и бдение о душах, градоправителем мудрость и силу, судиям правду и нелицеприятие, наставникам разум и смиренномудрие, супругам любовь и согласие, чадам послушание, обидимым терпение, обидящим страх Божий, скорбящим благодушие радующимся воздержаніе: всем же нам дух разума и благочестия, дух милосердия и кротости, дух чистоты и правды. Ей, Господи Пресвятая, умилосердися на немощные люди Твоя; рассеянные собери, заблудшия на путь правый настави, в заключении во узах находящихся и Тя призывающих скоро посети и призри на всех нас призрением милостивого твоего заступления, воздвигни нас из глубины греховныя и просвети сердечныя очи наша ко зренію спасения; милостива нам буди зде и тамо, в стране земнаго пришельствия, и на Страшном Судѣ Сына Твоего. Ты бо еси, Господи слава небесных и упование земных, Ты по Бозе наша надежда и Заступница всех притекающих к Тебѣ с вѣрою. К Тебѣ убо молимся и Тебѣ, яко Всемогущей Помощнице, сами себе и друг друга и весь живот наш предаем, ныне и присно и во веки веков. Аминь.

³ Из молебного пения в праздник Покрова Пресвятой Богородицы о всех православных христианах во узах темничных пребывающих.

Акафист Пресвятой Богородице в честь иконы Ея Боголюбской (празднование 18 июня/1 июля)



Кондак 1

Взбранней Воеводе, Боголюбивей Царице, превысшей всякаго создания, Деве и Матери Христа Бѣга, похвальная восписуем Ти рабѣ Твоѣ, Богородице! Ты же, яко Боголюбивая и Всемилостивая Мати, благоизволившая явити пресвѣтлый Свой лик благоверному нашему князю Андрею, от бед и скорбей сохрани ны и храм сей, да зовѣм Ти: Радуйся, Боголюбивая Царице Богородице, Надѣждо и Прибѣжище наше.

Икос 1

Ангелов превысшую вся Небесныя Силы величают Тя, Богородицу Царицу, мы же грѣшнии на земли, чудному Божію о Тебѣ смотрѣнію дивящися, всею душою, сердцем и устнами дерзаем глаголати: Радуйся, благословенная в женах Дѣво Благодатная; радуйся, Всевышняго Мати, Духа Святаго пребывание. Радуйся, Царице небесѣ и земли и всех Небесных Сил вышшая; радуйся, ангелы чтимая, от серафим воспеваемая. Радуйся благословляемая на небесѣх и славимая на земли; радуйся, воистину Присноблаженная и Пренепорочная. Радуйся, Боголюбивая Царице Богородице, Надѣждо и Прибѣжище наше.

Кондак 2

Видящи Премилосёрдная Матерь Божия земнѣ скорбное житіе наше, немощи и болѣзни, благоизволи явити чудо, избрав сосуд благодати и милостей Своих к нам, благочестиваго князя Андрѣя. Обаче и мы с радостію несказанною припадаем к Тебѣ, Владычице, и из глубины души благодарим Тя, нашу дивную Заступницу, воспевающе Богу: Аллилуиа.

Икос 2

Разумѣти хотя чудо, явленное милостию Твоею, Пресвятая Богородице, егда кони, вѣзшии святыи образ, стаща, и людие к шествію подвигнути их не возмогша, благоверный князь Андрѣй начат со слезами молитися к Тебѣ, Владычице, да покажеша, Пречистая, волю святую Свою; Ты же в видѣнии благоволила еси яже и мы, чудо сие воспоминающе, преклоньше колѣна, взываем сие: Радуйся, прославившая мѣсто обители Твоея дивным чудодѣйством и в сем милость преизобильную нам показавшая; радуйся, страну Владимірскую свѣтом Своим озарившая и лучи свѣта на всех нас простирающая. Радуйся, Всеблагая наша Наставнице, любвию нас привлекающая; радуйся, Охранительнице наша от бед и болѣзней. Радуйся, у Господа спасенія нашего Ходатаице, Царице наша Небесная; радуйся, за вся благодеянія Твоя благодаренію нас научающая. Радуйся, Боголюбивая Царице Богородице, Надеждо и Прибѣжище наше.

Кондак 3

Сила Вышняго осеняет всех, с верою и благоговѣніем притекающих к Тебѣ, Пречистая Господѣ Богородице, и уповающих на Твою милость, понѣже всякое благое прошеніе приѣмлеши тепле. Благоверный князь моляше Тя, Владычице, явити волю Твою, преисполнився трѣпета пред таинством Твоего произволенія. Такожде и мы к Тебѣ, Пречистая, прибегаем, умиленно вопиюще: Всемилостивая Покровительнице наша, научи и нас прославляти всечестное и всехвальное имя Твое и достойно воспевати Богу: Аллилуиа.

Икос 3

Имѣяи на пути, яко боготѣчную звезду, честный образ Твой, Владычице, благоверный князь в прилежней молитве своей пред чудотворною Твоею иконою сподобися яве узрѣти Тя, Царицу Небесную, теплое ходатайство Твое Богу приносящую о мѣсте явленія Твоего и о всем міре. О Божия Мати, Пречистая Богородице! Со умиленіем припадаем к Тебѣ и, богатыя Твоея милости ожидающе, умильно вопіем Ти: Радуйся, Радосте наша и крепкая Заступнице; радуйся, Покрове наш и наше Утѣшеніе. Радуйся, Охранительнице наша и наше Упованіе; радуйся, Отрадо наша и дивное о нас попеченіе. Радуйся Похвало наша, чудесы нас удивляющая; радуйся, Прибѣжище наше и залог вѣчнаго спасенія. Радуйся, Боголюбивая Царице Богородице, Надеждо и Прибѣжище наше.

Кондак 4

Недоумевает ум наш, како достойно есть восхвалити Тя и дивное явленіе Твое, Пресвятая Владычице: яко солнце лучи испущающе, предстала еси молящемуся князю и тако рекла еси: «Не хочу, да образ Мой несѣши в Ростов, но во Владиміре постави его; на сем

мѣсте во імя Моего Рождества цѣрковь воздвигни и обиталище иноком состави», и, воздѣвши Свой божественней руце ко Владычному образу, скрѣся от духовных очес его. Преклоняем и мы колѣна пред Тобю, Боголюбивая Мати, и Твоя чюдная явленія и велѣнія разумѣюще из глубины душѣй воспеваем Богу: Аллилуѣа.

Икос 4

Слыша Господь молѣнія Твоя, Богоизбранная Царице Небесная, обеща выну исполнити, яко Преплагія Матере, прошѣнія Твоя. Ты же, о Владычице, тогда рекла еси ко Господу усты Своими: «Владыко Многомилостиве, Господи, Иисусе Христѣ, Сыне и Боже Мой, молю Тя, да пребудет Божественная благодать на людех Твоих, и светозарный луч славы Твоея да нисходит всегда на мѣсто сие, Мною избранное». Истинно исповѣдуем, о Пречистая, яко скорѣ помогаеши с верою к Тебѣ прибегающим, и, со умилением воспевающе Тебѣ, зовем сѣце: Радуйся, Молитвеннице наша пред Господом и Сыном Твоим; радуйся, Заступнице всего рода человеческого и Защитнице народа православнаго. Радуйся, Матернюю любовь Твою всегда нам являющая и вся благая нам дарующая; радуйся, радости нам, благодати же и славы вѣчная Ходатаице, дивная наша Утѣшительнице. Радуйся, бытиѣ обители и ниспослание на ню благодати предвозвѣстившая; радуйся, в память Твоего явленія храм во славу Рождества Твоего устроить указавшая и тамо Цѣркви Христовой дивное украшеніе явившая. Радуйся, Боголюбивая Царице Богородице, Надѣждо и Прибежище наше.

Кондак 5

Яко лучезарную звезду, в предѣлах Владимірских явленную, узрѣ князь Андрей пресвѣтлый образ Твой, Владычице, и в явленіи сем уразумѣв знаменіе велія попеченія Божія о мѣсте явленія Твоего, даде ему імя Боголюбивое. О Царице и Владычице! Освети и нас свѣтом Твоим небесным, сохраняючи нас под кровом Твоим благим, услыши всеумилѣнныя молитвы восхваляющих Тя и воспевающих Богу: Аллилуѣа.

Икос 5

Виденіе чудное Богоматере и святѣя словеса Ея приѣмля с радостным трѣпетом, благоверный князь умиленно со слезами падѣ на зѣмлю и сладостно возблагодарѣ Всевышняго, яко сподобися узрѣти Тя, Пресвятую Богородицу. Посѣм ускори цѣрковь заложити, идеже нынѣ Боголюбивая обитель, именем Твоим красующися, молится за весь мир пред пречистым Твоим образом. Созерцающе в таковом событіи знаменіе благодати, дерзаем воспевати сѣце: Радуйся, Милостивая, яко устроила еси тихое пристанище ищущим спасенія; радуйся, Пресвѣтлая, яко свет подаваеши всем хотящим жити в преподобии и тем показуеши правыя стези к Царствию Небесному. Радуйся, теплая Ходатаице о живущих в обителях Твоих, милость Свою выну им обещававшая; радуйся, яко в трудѣх иноческих им всегда помогаеши и к трудолюбію подвизаеши. Радуйся, яко в кѣлліях монашеских на молитву вразумляеши и к добродѣтельному житію ревностно возбуждаеши; радуйся, Хранительнице дивная обителей святѣх, яко Твоею благодатною силою оныя зиждятся и преспевают в благочестіи. Радуйся, Боголюбивая Царице Богородице, Надѣждо и Прибежище наше.

Кондак 6

Проповѣдует вся земля Россійская богатыя мѣлости Твоя, Владычице, и дивное благодѣтное князя Андрея вразумлѣние. Сему послѣдуя, благоверный князь повелѣ образ написати тем подобіем, якоже ему явился Пречистая, и, обрѣт святую икону, поклонися, радостно со слезами благодаря Бога и скорую нашу Помощницу, взывая: Аллилуиа.

Икос 6

Воссия благодать неизреченная от цельбоносныя иконы Твоея, Пресвятая и Боголюбивая Мати. Слышим и видим величье чудес, от нея бываемое, со удивлением взираем на сию икону, яко на пресветлое лице Самой Пречистой Девы. О Госпоже, Царице и Владычице! Ты выну воздвизаеши рuce Твой на молѣние за нас пред Сыном Твоим, не презри и вопиющих Ти похвальная сия: Радуйся, во утешѣние нам даровавшая образ Твой чудотворный; радуйся, новую мѣлость и новую благодать сим в Церкви являющая и тем путь спасѣния показующая. Радуйся, Покровительнице наша, от бед нас спасающая и в скорбех быстрое облегчѣние нам посылающая; радуйся, сострадательнейшая к болѣзнем нашим, скорую помощь нам подающая. Радуйся, Боголюбивая Царице Богородице, Надеждо и Прибежище наше.

Кондак 7

Хотя благоверный князь достойно почтити пресвятую волю Твою, Владычице, собрав архиереи, священники и людей множество, да ублажат Тя хвалѣбно собором. О чуднаго торжества! О премудрости судеб Твоих, Владычице! Преславно преносится чудотворная Твоя икона в дивный храм всечестнаго Рождества Твоего. Чудодѣйствием прославляется церковь Твоя, о Госпоже Богородице, и вси предстоящии, радости и умиленія исполнени, преклоньше колѣна, целуют Твой пречистый образ и взывают: О Мати Боголюбивая, осени всеильною Твоею десницею и нас, воспевающих Богу: Аллилуиа.

Икос 7

Дивна дела Твоя, Владычице! Вси людие, здравии и болящии, богати и нищии, вси прибегаем к Тебѣ, сострадательнейшей Матери нашей. Не отрини нас от лица Твоего, буди милостива к нам, недостойным рабам Твоим, во всех путех жизни нашей, защити и помилуй от всея души любовью вопиющих Тебѣ таковая: Радуйся, ненадеющихся надеяние и печальных утешѣние; радуйся, о скорбящих попечѣние и бѣдствующим помощи. Радуйся, алчущих Кормительнице и нищих одеяние; радуйся, убогих Заступнице и болящих исцелѣние. Радуйся, старцев Покровительнице и юных Воспитательнице; радуйся, враждующих примирѣние и обидимых Защитнице. Радуйся, Боголюбивая Царице Богородице, Надеждо и Прибежище наше.

Кондак 8

Дивное чудо пренесѣнія преславныя иконы Твоея, Владычице, торжественно вси чествуем и на всякое лето в сей светлый праздник благодарне воспоминаем вся неизчѣтная благодеянія чудес, Тобю, Пречистая, от иконы дивно источаемых; и ты, угониче Божий Лебн-

тие, в по́мощь призыва́ем, чту́ще с любо́вию честну́ю па́мьять твою́, да моли́твами твоими́ сподобимся у Пречи́стѣя обрести́ благода́ть, ещѣ же непреста́нно воспева́ти Го́споду: Аллилу́иа.

Икос 8

Все вели́чие чудесъ Твои́х, Пречи́стая, несть исчи́слити возмо́жно, егда́ безбо́жный царь Батый, разоряя гра́ды и ве́си и хра́мы сожигая́, со мно́гою ра́тию прибли́зися и ко святе́й обители́ Твое́й, Пречи́стая, вни́де в це́рковь и, обрѣт чудотво́рную ико́ну, дерзостно положи́ ру́ку на драгія ризы, храм со всемъ бога́тствомъ огню́ предаде́, то́чию еди́н о́браз Твой, Влады́чице, цел обрѣтесе́ и ничи́мже поврежде́н бысть. О ве́лие чу́до! О, коль дивны́ зна́менія благода́ти явля́еши нам, Пречи́стая! Кто не ублажи́т Тя? Кто не воспоётъ Тво́я сла́вная чудеса́? И мы, грѣшнии, со умили́емъ взира́юще на святу́ю ико́ну Твою́, толь чудесно́ от погибельнаго пла́мене сохра́нившуюся, со слеза́ми взыва́ем си́це: Ра́дуйся, я́ко купина́, огнёмъ горѣвшая и неопальна́ пребыва́ющая; ра́дуйся, я́ко благода́ть Тебе́ даде́ся си́лу о́гненную уга́шати. Ра́дуйся, в го́дину напа́стей и испытáний оста́вляющая намъ святу́ю ико́ну Сво́ю во утешѣ́ние; ра́дуйся, я́ко благода́ти Сво́ею уга́ша́еши в насъ о́гнь нече́стия пла́менемъ о́гня Божѣ́ственнаго. Ра́дуйся, просла́вившая чудеса́ ико́ну Твою́; ра́дуйся, я́ко моли́твою и лобыза́ниемъ ико́ны Твое́я вси мы прие́млемъ благода́тное утешѣ́ние. Ра́дуйся, Боголю́бивая Цари́це Богоро́дице, Наде́ждо и Прибе́жище на́ше.

Кондак 9

Все упова́ние возлага́ем на Твою́ бла́гость, Пресвята́я Влады́чице! Милосе́рдію Твоему́ несть конца́, вели́чие же Твое́ кто испове́сть? Предста́ющи с мо́льбою у Престо́ла Всевы́шняго, коль мно́гое мно́жество чудесъ явля́ла еси́ нам, Пречи́стая, коль дивно́ спаса́ла еси́ сла́вный градъ Москву́ от гробна́го врага́ Тамерла́на, коль чу́дно объятъ его́ вели́кий страхъ прише́ствиемъ Твои́мъ в ма́терь ру́сскихъ градóв и понуди́ а́бие отступи́ти со всемъ во́инствомъ. Не умолчи́мъ никогда́, Засту́пнице на́ша Пресла́вная, о всехъ Твои́хъ благоде́яніихъ, да не бу́дет под спү́домъ светъ чу́десъ Твои́хъ. И ны́не, предста́юще предъ пречи́стымъ Твои́мъ о́бразомъ и моля́щеся умили́нною душе́ю и сокруше́ннымъ се́рдцемъ, взыва́ем Бо́гу: Аллилу́иа.

Икос 9

Ветии́ многовеща́ннии не довле́ют по досто́янію воспе́ти хвалу́ и благода́рѣніе Пречи́стей, ка́ко ца́рственный градъ сохра́ни от татарскихъ по́лчищъ. Егда́ вся рать вра́жия отступа́ше от преде́л Москóвскихъ, царь Иоáнн со ско́рбию и слеза́ми отпусти́ чудотво́рный о́браз Твой, Боголю́бивая Влады́чице, в избра́нную обитель Твою́, иде́же со умили́емъ и ра́достію неизрече́нною срето́ша его́ лю́дие, и от ма́ла до вели́ка, вси, прекло́ныше ко́лена, ублажа́ху Тя, Пречи́стая. И мы, се́я ра́дости мы́сленно причаща́ющеся, Цари́це Небе́сней вопие́мъ благода́рне: Ра́дуйся, премилосе́рдая Уте́шительнице на́ша, святу́ю ико́ну да́ти намъ изво́лившая; ра́дуйся, от наше́ствия враго́в инопле́менныхъ насъ дивно́ спаса́ющая. Ра́дуйся, несокруши́мый щите́ царей на́шихъ; ра́дуйся, оте́чества на́шего благонаде́жное утвержде́ние. Ра́дуйся, во́инства кре́пкая защи́то, от мечá вра́жия сохра́няющая; ра́дуйся, от разоре́нія, плѣ́на и лю́тыя сме́рти свято́ю десни́цею Твое́ю всехъ упова́ющихъ на Тя изба́вляющая. Ра́дуйся, Боголю́бивая Цари́це Богоро́дице, Наде́ждо и Прибе́жище на́ше.

Кондак 10

Спасти хотя свою душу, благочестивый царь Феодор, любовь божественную разжигаем, добре подвижась, пребывая в посте и молитве, и, вельми любяще Боголюбивую обитель, часто ю посещаше. Единожды же с теплою молитвою пред чудотворною Твоею иконою, Боголюбивая Мати, от усердия своего в дар Тебе принесё носимый на персех своих честный крест, камнями драгоценными украшенный. Взирающе на сие дивное украшение иконы Твоея, о Пречистая, радуемся вси духовно о сем, како Тя, Царицу и Владычицу, славят и чтут вси вернии, и молящиеся вопием Богу: Аллилуиа.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.